

醫方類聚卷之六十四

眼門一

論

眼門二

龍樹菩薩眼論

十療眼湯丸散煎膏方

瀉肝湯 退熱飲子 青箱子丸 空青

丸 决明丸 光明散子 還睛散 七

寶散 摩頂膏 空青丸 補肝散 還



睛丸 空青漿 補肝湯 瀉肝湯 七

寶散子 當風散 清涼散煎 白涼散

煎 新冥子丸 茺蔚子丸 黃涼散煎

千金方

目病

神麴圓 瓜子散 補肝圓 補肝散

補肝蕪菁子散 補肝散 梔子人煎

瀉肝湯 洗肝乾藍煎 大棗煎 洗眼

湯 蕩風散 乳汁煎 洗眼湯 真珠

散 蕪菁子

千金翼方

眼病

真珠散 七寶散 礬石散 兔肝散

補肝湯 瀉肝湯 瀉肝湯 補肝湯

蕪菁子 决明圓 補肝圓

千金月令

空青煎 代茶飲子

海上仙方

眼中流淚

夜光眼

赤眼

眼中翳膜

聖惠方一

治眼赤諸方

羚羊角散

梔子散

石決明丸

黃連

煎黃連膏

枸杞煎

乳汁煎

竹葉

煎黃連煎

魚膽貼眼膏

地龍糞餅

子竹葉湯 槐皮洗眼湯

治眼風赤諸方

玄參散

犀角散

青箱子丸

龍腦點

之膏

胡黃連煎

青梅煎

垂柳枝煎

銅綠膏

蕤人膏

蜜鹵點眼煎

槐枝

湯

治眼胎赤諸方

升麻散

麥門冬散

杏仁膏

梨汁煎

黃連煎

竜腦膏

朱砂煎

獨聖還睛

丸

治眼暴赤諸方

犀角散 洗肝柴胡散 蕤人散 石蜜

煎 杏人煎

治眼赤爛諸方

竜腦散 仙靈脾丸 蕤人膏 碧雲膏

秦皮湯 栝皮湯 膩粉膏

治眼赤腫痛諸方

羚羊角散 决明子散 防風散 閉毒

散

治熱毒攻眼諸方

車前子散 黃連散 瀉肝麻人散 石

膏散 羚羊角散 升麻散 羚羊角丸

甘草散 秦皮洗眼湯 點眼膏 車前

餅子

治風毒攻眼諸方

防風散 前胡散 細辛散 黃芩散

山菊花丸 車前子丸 白礬散 朱砂

煎 龍腦膏 蕤人膏 秦皮湯

治丹石毒上攻眼目諸方

葵子散 犀角散 羚羊角散 車前子

散 芒消散 大黃丸 大黃膏 杏仁

膏 柴胡洗眼湯

治遠年風赤眼諸方

犀角散 菊花散 龍腦膏 麻油膏

黃連煎

治眼生努肉諸方

前胡散 秦皮散 真珠散 蕤人膏

治眼風淚諸方

防風散 犀角丸 龍腦青箱丸 點眼

上冷淚散 雞舌香丸 杏仁膏

治眼生瘡諸方

决明子散 黃連散 秦皮散 柴胡散

細辛丸 蕤人膏 猪膽膏 青錢湯

治針眼諸方

大黃散 玄參散 羚羊角散 牛黃散

熒毒膏

治眼澁痛諸方

菊花散 羚羊角散 通膈薺苳散 玄

參散 車前子丸 大黃丸 黃牛膽煎

治目痒急諸方

葳蕤散 沙參散 烏蛇散 羚羊角丸

黃連煎 秦皮湯

治眼眉骨及頭疼痛諸方

菊花散 黃耆散 羚羊角散 羌活散

犀角丸 貼熒膏

眼門 三

聖惠方 二

治眼睛疼痛諸方

細辛散 羌活散 羚羊角散 地骨皮

散 梔子散 甘菊花散 地骨散 抽

風散

治眼臉垂腫諸方

羚羊角散 大黃散 秦皮散 羌蔚散

洗眼湯

治臉生風粟諸方

防風散 羌蔚散

治臉腫硬諸方

黃耆散 羚羊角散 瀉膈散 細辛散

治眼摩頂膏諸方

摩頂膏 摩頂膏 塗頂油 塗頂油

摩頂膏 灌頂油

治眼內障諸方

甘菊花散 羚羊角散 葳蕤散 羚羊

角散 石決明丸 補腎丸 空青丸

羚羊角丸 還睛丸 石決明丸 陽起

石丸 磁石丸 曾青膏 朱砂煎 還

睛散 通明散 羚羊角散 墜翳決明

散 明目人參丸 還睛明目盧會丸

墜翳丸

治眼青盲諸方

地膚子散 真珠散 牛肝散 地膚子

丸 柘葉丸 真珠煎 神效决明散

治眼雀目諸方

老栢皮散 柘聖散

治眼卒生翳膜諸方

决明子散 殺羊角散 知母散 旋復

花散 蛇蛻皮散 羚羊角散 車前子

散 真珠散 真珠膏 龍腦膏 雞子

殼散

治眼生膚翳諸方

祛風毒消翳障真珠散 石决明散 曾

青散 青塩膏 龍腦膏 石膽散 朱

砂散 貝齒煎 珊瑚散

治眼生丁翳諸方

升麻散 羚羊角散 决明子散 遠志

丸 柘聖散 琥珀煎 石决明散

治眼生花翳諸方

殺羊角散 黄芩散 麩人散 馬牙消

散 龍腦散 朴消散 竜腦膏



治眼遠年翳障諸方

蕤人散 石决明丸 琥珀散 貝齒散

石膽散 决明煎 石膽丸 七寶散

琥珀散 朴消散

治眼赤脉衝貫黑睛諸方

梔子散 蕤人散 羚羊角散 犀角散

真珠散 黃連煎 蕤人煎

治眼血灌蕤人諸方

乾生地黃散 麥門冬散 沒藥散 真

珠散

治眼生珠管諸方

貝齒散 竜腦煎

治眼白睛腫脹諸方

羚羊角散 桑根白皮散 車前子散

大黃散 玄參散 車前子丸 秦皮湯

朱砂煎

治目珠子突出諸方

羚羊角散 葳蕤散 玄參散 黃連丸

治蟹目諸方

羚羊角散 黃芩散 防風散

治眼偏視諸方

獨活散 甘菊花散 牛黃散 歸睛散

羚羊角散 槐子丸

治墜睛諸方

細辛散 甘菊花散 犀角散 菴活散

槐子丸

治眼膿漏諸方

黃耆散 玄參丸 白礬煎

治眼眵眵諸方

川升麻散 薯蕷散 調肝細辛散 青

羊肝散 藍寶丸 青箱子丸 石決明

丸 竜腦煎

治眼見黑花諸方

羚羊角散 熟乾地黄丸 决明子丸

肉蓯蓉丸 礪石丸

治眼昏暗諸方

决明子散 冬瓜子散 决明子散 兔  
 肝丸 青箱子丸 地膚子丸 决明子  
 丸 蔓菁子丸 礞石丸 補肝明目車  
 前子丸 駐景丸 地膚子散 朱砂丸  
 蔓菁子散 决明子散 槐子丸

治眼被物撞打著諸方

赤芍藥散 生乾地黄散 琥珀散

治眯目諸方

眼門

和劑局方

治眼目疾

錦鳩圓 蜜蒙花散 羚羊角散 秦皮  
 散 鎮肝圓 菊睛圓 菩薩散 撥雲  
 散 草龍膽散 蟬花散 春雪膏 流  
 氣飲 洗肝散 菊花散 明睛散 蟬  
 花無比散 明眼地黄圓 洗眼紫金膏  
 草龍膽散 湯泡散 還睛圓 曾青散  
 秘傳羊肝圓

大全本草

治眼黃連丸

三因方

眼

三因證治

羌活散 白蒺藜散 洗肝散 椒紅圓

煮肝散 四生散 驅風散 立勝散

神仙照水散 藥竹瀝膏 通利膏 通

神膏 蛤粉圓

衛生十全方

神巧萬全方

眼病

八減丸 蒼朮散 蔓荆子散 芎藭散

香乳膏 四神散 兔絲子丸 龍腦膏

助道方

治連夜不眠眼眶赤爛

治風熱攻衝眼目證

治目赤頭疼病

治老人目昏腦中寒

是齋醫方

目疾

退翳散 芎菊散 攻毒散 明上膏

五退散 金水膏 五生散 如神餅子

瑣碎錄

眼目

簡易方

眼

加減駐景圓 羊肝圓 大明圓 地黃

圓 羚羊角散 楮英散 銀青圓

直指方

眼目證治

人參羌活散 菊花散 敗毒散 消風

散 磨光散 羌活散 開明散 海明

散 千金漏蘆湯 八珍飲 黃連解毒

湯 瀉肝散 消毒麻仁圓 竜膽散

流氣飲 楮實散 遠志圓 麥黃湯

生地黄圓 開障散 杏仁方 花草膏  
 夏枯草散 鹽朮散 仙朮飲 觀音圓  
 羊肝圓 大仙飲 前麓開翳散 真珠  
 退翳散 還睛圓 山藥圓 駐景圓  
 明眼地黄圓 菊睛圓 滌風散 立消  
 膏 薑液膏 南鵬砂散 甘石散 前  
 麓點翳膏 雀盲散 通關散  
 朱氏集驗方  
 眼

靈應丸 蒼朮丸 羌活散 地骨散  
 祛風散 還光散 茶調散 柴胡散  
 黃連湯 春雪膏 青金散 當歸散  
 磁石丸 竜膽膏  
 嚴氏濟生方  
 眼  
 决明子散 桑白皮散 礮甘石散 補  
 腎圓 養肝圓  
 嚴氏濟生續方

眼

太清散 杏連散

修月魯般經

補虛捷法

瀉實捷法

補瀉川藥

四十字用藥妙訣

四十藥方

神撥還光丸 明睛膏

看眼病法別方

後錄

拜堂散 金光復明散 洗肝散 羊膽

膏 竜膽丸 真料重明散

三法六門

煮肝散

眼門 五

宣明論

眼科

類聚

十一

黃連膏 滌昏膏 通天散 神芎散

金絲膏 白藥子散 胡黃連散 碧霞

丹 菩薩膏 石膏羌活散 重明散

雷巖丸 丁香復光丸

東垣試効方

眼

撥雲湯 冲和養胃湯 瀉熱黃連湯

助陽活血湯 明目細辛湯 神効明目

湯 神效黃芪湯 益氣聰明湯 補陽

湯 連藥益陰丸 升陽柴胡湯 芎辛

湯 人參補胃湯 連翹飲子

論瞳子散大

滋陰地黃丸 益陰腎氣丸 羌活退翳

丸 圓明膏 百點膏 吹雪膏 復明

膏 廣大重明湯 防風飲子 竜膽飲

子 碧天丸 搗藥碧雲散 地芝丸

定志丸

綠翳腫治驗



蘭室秘藏

眼

選奇湯 復明散 圓明內障升麻湯

黃芩黃連湯 蔓荊子湯 救苦湯 熟

乾地黄丸 當歸竜膽湯 温衛湯 嗜

藥麻黃散 療本滋腎丸 加味滋腎丸

退腎膏 羌活退腎湯 還睛紫金丹

御藥院方

眼目

吹鼻碧玉散 七仙丸 通腦散 菊花

散 石膏散 生地黄湯 金絲膏 白

竜散 龍腦鵬砂散 金蓮散 青金散

五黃散 冰池散 五倍丸 地黄丸

白龍粉 至明膏 决明散 金髓煎丸

芎藭丸 荊芥散 香附散 生犀丸

當歸立效散 通光丸 神仙碧霞丹

還睛湯 黃連湯 遇明丸 還睛丹

生地黄湯 杞菊丸 增明丸 神應散

類聚

七

消毒散 生明丸 七寶散

得效方

圓翳

補肝散 補腎圓

水翳

通肝散

滑翳

濫翳

散翳

八味還睛散

橫開翳

浮翳

沉翳

偃月翳

棗花翳

白翳黃心

黑花翳

涼膽圓

類聚	類聚	類聚	類聚
卷之二十四	卷之二十四	卷之二十四	卷之二十四
十八	十八	十八	十八

胎患

五風變

雷頭風

驚振

綠風

羚羊角散

烏風

瀉肝散

黑風

青風

肝虛雀目

高風雀目

肝虛目暗

肝臟積熱

大決明散

傷寒熱病後目昏

二黃混睛

地黃散

類聚卷之六十一  
十一

弩肉攀睛

二黃散 定心圓

兩臉粘睛

六興膜入水輪

釘翳根深

黑翳如珠

花翳自陷

水瑕深翳

清涼散

玉翳浮滿

因他病後生翳

順逆生翳

磨翳膏

雞冠蜆肉

決明散

臉生風粟

消毒飲

胞肉膠凝

漏睛膿出

白薇圓

蟹睛疼痛

突起睛高

風起喎偏

倒睫拳毛

五退散

風牽臉出

神祟疼痛

旋螺尖起

鵝眼凝睛

轉轆轉關

天門冬飲子 瀉肝散

被物撞打

地黃膏

撞刺生翳

經效散

血灌瞳仁

通血圓

眯目飛塵

天行赤目

暴赤眼後忽生翳

胎風赤爛

風赤瘡疾

衝風淚出

白僵蠶散

暴風客熱

臉硬睛疼

痛如針刺

痒極難任

驅風一字散

起坐生花

瞳仁乾缺

黃膜上衝

犀角飲

赤膜下垂

類聚

類聚

小皆赤脉

小兒通睛

小兒斑瘡入眼

小兒臉中生贅

小兒疳眼

小兒青盲

虛證

加味磁朱圓 大補腎圓

養肝圓 錦

鳩圓 駐景圓 青瑄圓

巴戟圓 花

草膏 椒目圓 黑神散 加味參附正

氣散 小兒驚風散 小兒疳積散 小兒驚風散 小兒驚風散

熱證 小兒驚風散 小兒驚風散 小兒驚風散

八珍散 聖效散 地黃圓 决明散

敗毒散 羊肝圓 五行湯 地黃膏

黃連湯 蔓荆散 小春膏 穿針散

香蘇散 石决明散

風證

消風散 菊花散 蒼白蒺藜散 川蠟花無

類聚六十四  
二十三

比散 流氣飲 菩薩散 驅風散 聖

草散

氣證

木香流氣飲 分心氣飲 石膏羌活散

翳障

退翳散 觀音夢授方 羊肝圓 呂仙

翁方 重明散 小五退散 麥門冬圓

還睛圓 龍膽膏 神仙照水膏 照水

丹

通治

點眼膏子 湯泡散 水淋法 明上膏

小決明散 浮萍散 黃連膏 滌昏膏

通天散 開明圓 當歸圓 明眼地黃

圓 菊花散 搐鼻藥 決明圓

洗藥 點藥

蜜蒙花散 點眼藥 洗眼碧霞散 敷

藥瞿麥散 墜翳圓 磨翳散 空青圓

澹軒方



類聚

卷之六

明眼

暴赤眼

翳眼

赤眼後暴翳

爛眩眼

血風眼

眼熱昏

偷針眼

遊絲入眼

眼突出肉

他物傷睛

芒刺中睛不出

赤眼熱腫

肘後方

治目赤痛暗昧刺諸病方

補肝散 洗眼湯 白龍散 補肝散

澹寮方

眼目

四物五子圓 車前子圓 五退散

衛生寶鑑

眼目諸病并方

金露膏 加味春雪膏 上清散 重明

散 夜光散 碧霞丹 魚膽丸 撥雲

散 還睛散 甘菊花丸 五秀重明丸

煮肝散

聖濟總錄

眼目

涼肝散 蒼朮散 當歸散 玉柱膏

黃連煎 水龍膏 黃連丸 神錦散

犀角膏 通頂散 青箱子丸 寒冰散

祛風退熱湯 石膏散

目赤腫痛

羚羊角飲 祛毒散 大黃湯 竹葉湯

萎蕤湯 前胡湯 半夏湯 車前子散

退膈薺苳湯 大黃湯 甘草湯 地膚

子散 防風丸 石決明丸 秦皮湯

大黃膏 地黃膏 秦皮湯 生犀飲

黃芩湯 瀉肝湯 黃耆湯 洗眼黃連

散 貼眼大黃餅子 洗眼三黃湯 青

蓮膏

眼門 六

聖濟總錄 二

目赤爛

碯砂煎 菊花湯 四物澄波散 蕤人

膏 此胡洗眼湯 當歸散 整睫散

勝金丸 一捻金散 金波膏 黃連散

白竜散 洗輪散

目積年赤

芫胡湯 藁本湯 殼精草散 五參散

菊花 决明子丸 九子丸 松皮湯

决明膏 雄黃散 胡黃連膏 杏人膏

秦皮湯 小黃連膏 决明丸 黃連膏

目飛血赤脉

芍藥湯 羚羊角湯 菴蓉散 黃芩丸

菊花散 杏人膏 蕤人膏 黃蘗膏

車前草湯 蕤人洗眼湯 秦皮湯 梔

子湯 魚膽傅眼膏 豬膽膏 地黃散

黃連飲 鎮心丸

目血灌瞳人

麥門冬湯 人參湯 決明湯 地黃散

沒藥散

赤脉衝貫黑睛

蘆根湯 通明湯 黃耆湯 羚羊角湯

前胡湯 黃芩湯 芍藥湯 羚羊角丸

明目膏

墜睛

決明湯 蕤人煎

蟹目

防風湯 萎蕤犀角散 黃芩羊角湯

木通飲 杏人龍腦膏

目珠子突出

桔梗湯 門冬茺蔚飲 丹砂膏 黃連

湯

白睛腫脹

犀角湯 羚羊角湯 大黃丸 木通犀

角散

目暴腫

前胡湯 玄參湯 刺明子湯 竹葉湯

半夏湯 蘆根湯 二黃湯 大黃湯

決明丸

目風腫

茵陳蒿散 防風丸 蟬殼散 梔子湯

大黃湯 枳實湯 鼓心丸 吹鼻散

秦皮湯 胡黃連散 圓靈丸 黃連丸

祛風散

目睛疼痛

蔓荆實湯 玄參散 茈胡散 羚羊角

湯 洗肝前胡湯 旋復花飲 秦皮洗

眼湯 吹鼻碧玉散

目澀痛

防風湯 麥門冬湯 羚羊角湯 玄參

湯 蘆根湯 決明子丸 蟬蛻散 甘

菊散 光明散 前胡湯 點眼金華水

青箱子丸 石決明散 蜜蒙花散 點

眼黃連煎 洗眼玉明散 玄精石散

目痒急及赤痛

絳雪散 防風湯 菊花湯 前胡丸

葛根湯 烏蛇湯 防風丸 麥門冬湯

五藏風熱眼

犀角湯 夢蘆丸 青金散 車前子湯

檳榔湯 芥苳子丸 決明丸 防風湯

如聖散 秦艽湯 滑石湯 地骨皮湯

人參湯 犀角湯 蘆根湯 羚羊角湯

犀角飲 羚羊角湯 白朮菊花散 防

風丸 決明子丸 青蓮膏 四生散

目偏視風牽

天門冬湯 羚羊角湯 黃芩湯 菊花

散 防風散 抵聖散 菊花丸 石膏

散 蒼朮丸 芎辛丸 荆芥散 石決  
明散

日眇曠

澤瀉丸 羚羊角散 秦皮湯 曾青散

麩人膏 黃蘗膏 黃連膏

眯目

車前子散 竜塩膏

鍼眼

半夏湯 前胡湯 麥門冬湯 芍藥湯

大黃湯 石膽散 麩人煎 石膽散

熨烙法

地黃膏 馬齒熨 湯器熨

居家必用

青竜膏

必用全書

林淋眼目證諸方

竜腦金水膏

拔粹方

眼

地黃湯 宣毒散 當歸湯 柴胡散

拈痛散

眼證

散熱飲子 四物竜膽湯 蟾光膏

瑞竹堂方

眼

乳香當歸散 海青膏 黃連膏 雙美

丸 甘石膏 大全寶光散 大良膏

膏 青黛散 重明膏 撥雲膏 靈光還睛

王氏集驗方

眼目

黃連膏 黃連煮散 當歸散 蘇光明散

地黃丸 玄明散 回光丸

醫方大成

眼目

七寶洗心散 四生散 捲簾散 黃連



散 升麻葛根湯 杞苓圓 導赤散  
車前散 五味子圓

袖珍方

眼目

撥雲膏 上青丸 助陽和血補氣湯  
四物竜膽湯 五黃膏 聖餅子 槐花  
當歸散 蜜蒙花散 紫金膏 電掣膏  
光明湯 錦陽膏 珊瑚膏 片腦膏  
永類鈴方

雜病眼

川芎散 白附子散 决明散 羚羊角  
湯 决明散 四順飲 清肺湯 透明  
元 天麻元 礞石元 三仁五子元  
椒紅元 乳香元 五烏元 榛皮散  
青金散 至寶金絲膏 朱砂煎 鬱金  
散 乳香散

眼門 七

經驗秘方

眼目

搐鼻通頂散 六聖散 通神膏 神明膏  
 點眼玉屑散 復明丹 黃連膏  
 夜光圓 青金膏 青金散 遇僊膏  
 加減四物湯 還瞳散 還睛圓 復明  
 神效散 聖僧散 光明散 青金散  
 千金散 龍珠散 聖藥圓 救苦圓  
 神仙退雲圓 羚羊角散 還睛圓 神  
 聖復明圓 夜光膏 光明膏 茯苓正

氣散 四神圓 羊肝丸

經驗良方

眼

還睛丹 無比地黃圓 聖效散

醫林方

眼目

宣明丸 黑神散 洗眼藥 沒藥散  
 撥雲散 烟霞聖效方

眼目

蟾光膏 撥雲膏 復明膏 還睛丸  
 决明散 珍珠散 洗眼藥 春風一醉  
 散 四聖膏 佛手散 春水散 復明  
 散 赴宴散 碧霞散 拜堂散 神木  
 散 川芎石膏散 連翹散 復明散  
 壽親養老書  
 川椒圓 木賊散 夜光育神丸  
 施圓端效方

眼目

蟬青煮肝散 沒藥乳香散 通神散  
 祿袍散 碧霞膏 乳香散 救苦散  
 上清竜腦散 涼頂散 夜明散 合德  
 丸 如聖散 四聖散  
 吳氏集驗方  
 羊肝圓 黃連煎 靈光圓 臙脂膏  
 神效名方  
 目疾

碧霞丹 視星膏 復明膏 黃連散

青金散

山居四要

眼

新效方

急救仙方

生犀復明散

外科精義

治眼

玉機微義

眼目

治風之劑

蜜蒙花散 羌活散 明目細辛湯 四

物龍膽湯 防風飲子

治熱之劑

洗心散 羊肝丸 瀉熱黃連湯

治風熱之劑

明目流氣飲 洗肝散 瀉青丸 連翹

飲子

治濕熱之劑

神芎丸 龍膽飲子

理血之劑

明目地黄丸 加減駐景丸 地芝丸

理氣之劑

定志丸 桑白皮散

養陽之劑

神効黃芪湯 益氣聰明湯 人參補胃

湯

滋陰之劑

連栢益陰丸 滋陰腎氣丸

養陽滋陰之劑

菊睛丸 滋陰地黄丸 補陽湯 冲和

養胃湯

治障翳諸方

還睛丸 蟬花無比散 蟬花散 羊肝

九 撥雲退翳丸

點洗諸方

湯泡散 立勝散 金露膏 春雪膏

疔藥 蟾光膏

臞仙活人心

瀆液膏

運化玄樞

壽域神方

眼部

衛生易簡方

眼目

備預百要方

眼病及諸物觸損方

簡奇方

眼目

固本丸 還明元

勸善書

感應

餘藥無名者散見本方

食治

禁忌

針灸

導引

龍樹菩薩眼論

眼疾因起第一

凡眼疾因起其狀數般或熱或風有實時勞乍損變各不同所謂醫治者須識元本夫眼赤腫者虛熱患之瑛瑛不明是風并熱黑花

亂眼肝腎俱勞久視用精須知乏眼患後起早遂乃生花上下狀若蠅飛散如懸髮並為勞也內障之眼元是熱多烏目之初肝風為主白中泡腫毒風所攻眼澀睛疼風勞為本赤眼時發積熱膈中肝內虛風因勞便動臉翻赤脹風之所牽珠突出眶熱氣相擊皆頭息肉肺家所衝暴翳忽生皆從肝熱兩頭乍痒客風所侵赤爛多年熱從腦發故知水寒冰結眼熱翳生小得暖氣而冰自銷目得涼

藥而翳白滅是以物類相召感應有宜患狀  
數條各隨所療今編次類是述所宜謬悟乖  
方備如說也

謬誤失理第二

夫療眼者先須察其元起尋究初根案其本  
條何慮不愈常見愚醫闕尋經論唯據古方  
冷熱虛實不明雖准一方何能療於衆疾或  
以肝虛更瀉實則不宜服冷藥而長添寒性  
熱卽不減溫味暴醫將物熨烙疼痛乃傳石

膽麤醫眼熱妄灸數瘡清盲或將鈎割黑花  
內發便擬行針腦熱頭旋權將角撮睛中小  
翳便乃鈎之瞳泡鱗以物揩刮唐突損翳散  
煎塗之乍聚凝膏以針銚決眦頭息肉傳藥  
蝕銷膜入水輪苦逼牽掣如此覓効增劇更  
深豈非不識病源乏披經論意切所療用手  
無憑處置乖違便成返害損人眼目愚醫所  
傷曾有患者遇法得除便卽傳授稱驗遞相  
承用其疾却增是爲不解辨病狀之數般抄



論豈能精熟

應伏宜治第三

察理詳審應候集方備說大宜分析冷熱虛之與實補瀉具陳針割淺深亦論輕重用藥所主各有相投編纂者繁以爲規矩內障之眼非藥能除頭旋眼花豈行針効眊眊風暗宜川鎮肝痛腫翳生先須瀉鬲沙澀赤脉乃加青箱決明爛痒多年微添石膽風衝淚出細辛主之有障時多宜驅宿熱皆頭息肉散

點難消膜起連睛要須鈎割瞳人麩片傅藥可宜髣髴浮雲時時點煎朱砂竜腦明目抽風琥珀真珠巧能磨翳碯砂性熱乃有爛肉之功石膽雖寒方中用少波斯之法與漢用藥不同若善調和功能有驗黃蓮貫鼻通得腦涼丘墟解谿似牽肝氣臉多赤腫必須鎌之突起微高先須藥頰顛顛疼痛背脉可針睛內刺痛要須宣洩瞳人碧綠何用歷方若絕三光徒施萬法斑瘡及諸損翳療亦難除

若取星星終不全効風赤或來或去積療消  
并有淚出翳生治須數月黑花忽起特忌行  
房急服湯丸善宜將息治肝補腎須早療之  
日遠歲深變成青暗風牽喎側湯用零羊鷓  
眼凝無方可救

辨理誠約第四

凡療眼疾不同餘病眼體輕薄療之尤難苟  
或遲延必當損敗先須細尋冷熱虛實真却  
久用經方明閑藥性看其輕重候疾其宜體

候察聲隨狀加減傷勞長幼將節各殊風熱  
不同衰盛稍異針鉤鎌割悉有所宜散煎湯  
丸應患和合小兒療眼別有條章若與大人  
同治損悟尤甚如此細委始可施功所療必  
効萬無傷敗眼若有患須早療之不宜傷久  
日深月遠根脚漸牢所苦之人自須謹慎內  
障之目延日堪治痛澁有花最須早療此疾  
元本皆因風熱并勞所傷小兒未肯便醫治  
後發使重風淚赤痒亦卒未妨頭旋黑花須

與失其雙目依輕救療効者益多若信邪師必致狂損見之非一故錄條例各備正科所療不同具件題目

開內障眼用針法第五見鍼灸

鈎割及鍼鎌法第六見鍼灸

療眼後禁忌慎護第七見禁忌

治小兒眼條例第八見小兒門

辨諸般眼病疾不同隨狀所療三十篇

第一

眼不痛不痒端然漸漸不明遂即失眼眼形不異唯瞳人裏有隱隱青白色雖不辨人物猶見三光者名曰內障古方名清盲非盲今見其有翳如漿水色者是瞳人豈得清盲者以清淨為義耳其眼患者不覺失明要須從一眼前患向後即相牽俱損若預前服藥鎮壓不爾終損為睛不獨迴獨閉脉帶相連故損之爾三光者日月火之光者也此狀皆腦中熱風衝腦脂流下灌之然也亦有黑水

自凝結作者若忽暗二五十日翳或是腦流  
若三五日漸漸茫茫者是黑水凝之作者也  
覺睛凝者卽服湯丸禁忌慎護伴其疾勢不  
如重暗若翳狀已成非湯藥所及徒施千方  
亦無一効唯用金針撥之如發雲見日又有  
不中治者初患時痛兼腦中惡不治又有雖  
不痛撥之不動者不治名爲死翳翳作黃赤  
色不治或翳狀破散或深淺不等或不中心  
加濃厚者不治也此是竜樹菩薩授法盡須

敬信必當針不見物撥了宜服湯丸斷其根  
際兼明也爲此是熱患不服冷藥鎮壓恐熱  
還衝卽不明亮也

第二

若眼初覺患者頭微旋額角偏痛連眼眶骨  
及鼻額時時痛眼澁兼有花睛時痛是風兼  
勞熱爲主初患皆從一眼前惡惡後必相牽  
俱損其狀婦人患多於男子皆因產節後狀  
息失度及細作繡畫用眼力勞損或有三五

年卽雙暗有風熱盛不經旬月卽俱損之此是毒熱入腦及肝腎勞受其熱氣所致古方皆爲淥盲初覺卽急療之先服湯丸將息慎護鍼刺依法療之卽住疾熱宜服零羊角飲子三五劑還睛散通明鎮肝丸及鍼丘墟解谿穴牽引令風氣下忌鍼皆脉出血頭上並不宜鍼灸之也若瞳人開張兼有青色絕見三光者拱手無方可救皆因謬治及晚故也謬治爲灸頭上牽熱氣上及遲晚不預治服

燕之

第三

眼都無痛痒亦不頭旋漸漸昏暗亦無翳與不患者同名曰烏風古名黑風近覺暗卽治之宜服湯丸及諸禁忌若絕三光亦不可療此是明孔不通所致日久瞳人漸小如此形狀不在醫限人年老氣衰亦爾卽與前稍別老暗看讀用力卽暗尋常卽可是肝虛兼熱風治之卽差常暗無變動卽是烏風眼也

第四

若眼因勞乏眼卽赤痛淚出或睛痛有時發動乍好乍惡或時主翳者各爲勞熱從肝鬲虛熱兼風所起宜急療之根脚漸牢卽難驅遣下俚之人唯冤神鬼妄作祈福遇得効者此大謬矣一時雖未大害冬卽成重疾或一眼前發已後相牽必俱損也宜依經之先服瀉肝湯後服丸針去頭上熱血磨膏眼中傅朱砂煎忌灸卽差其狀初發踈經後漸加重

密兼鄣膜不解治者唯施謬方終却損也患眼之人不能自解謬者或將杵熨或以鑲鈎或灸數瘡或單方水烙爲謬法也不識此經後轉損也

第五

若眼忽被撞打著睛出眼帶未斷當時內入眶中但勿驚觸可四畔用藥摩傅之勿令外風相侵摩辟風膏生地黃細搗覆之佳內有惡血汁引之自出眼中亦不傅藥眶骨及睛

血出如稍息卽差仍須服去風熱飲子鎮養  
五藏不爾恐別熱上衝損若帶斷睛被非醫  
眼也

### 第六

若眼曾無發動痛痒及花生或一眼前惡亦  
無障翳瞳人平正如不患者端然漸暗名曰  
青盲其眼初患時時微頭旋或見花生花生  
便將息亦卽得定若勞倦患狀還來或加重  
睛此是風勞爲主兼肝管中熱氣衝塞不通

所宜急服零羊角飲子及諸丸散鎮壓之以  
膏摩之將息不預治必雙盲也若絕三光便  
無救療此欺患日悟也其眼更無別惡處唯  
清淨自不見物此狀可名青盲正得理也將  
內障爲青盲大謬說也

### 第七

若眼因天行病後腫痛赤淚出者宜急服寫  
湯鎌去熱血服冷補藥決明飲子等勿傳藥  
如此是五藏虛熱踈毒氣未能盡洩不慎口

將息食飲失度所致患起食多熱毒之食必損其眼也葷菜雖冷食必損上也速宜療之不爾當生鄣翳疼痛不可忍或生班瘡卽不可治持不宜傳藥亦勿鈎割大忌之愚夫不尋經方未辨宜例而將一方以療衆病枉損他人之目非也

第八

若眼頭生瘰脉漸向黑珠上或眼尾王者名曰息肉眼肝肺虛熱作之宜先服湯力定其

熱氣然後鈎割去之卽傳散煎仍須火針熨烙之不爾已後還長熨烙永不能生也若年月過深遠侵瞳人霞入水輪卽難去之須微微輕手向黑珠上漸拆起之

第九

若眼無痛痒唯見黑花或如飛蠅懸髮者此爲勞眼水動故也腎勞謂房及久視細物也肝中風皆患此狀慎房及繡畫用睛力宜服車前湯空青丸還睛散不爾變青盲亦因重



病後起勞作之後亦能作雀目宜急療將息  
勿欺病自誤此者非好狀

第十

若眼忽然赤痛腫者此爲天行赤眼也是持  
癘熱氣相染作之患者亦有輕重性熱卽重  
冷則輕宜服瀉肝湯鍼去熱血時與洗眼藥  
若經久不差卽翳障生先宜服瀉丸將息忌  
慎亦不得鈎割及傅痛藥暴翳亦然將息冷  
卽翳自消已後少許不盡可漸服退翳散煎

湯丸也

第十一

若眼從小卽兩眦頰赤爛或痒有時癢甚者  
名曰胎赤受及胎時母服丹石致令如此腦  
中熱兼肝中熱風所衝宜服藥洗腦鼻中灌  
藥後有此方鍼刺鎌去血服湯丸煎點頭上  
摩膏將息慎忌熱食等卽差自不慎治無益

第十二

若眼常痒淚出者名爲風眼服補肝丸服出

熱風飲子眼中傳竈腦煎丸子卽差若衝風  
卽淚出宜灸懸睛七壯在當瞳子直入髮際  
寸是若觸熱而淚出不宜灸之也

### 第十三

若眼目痛患甚當黑珠上生黑子如蟹眼或  
如豆者爲損翳極難治不可鈎割不得傳諸  
毒痛藥石膽銅青之輩並忌之加增疾狀唯  
宜服湯并冷補丸決明鎮肝之類是也肝中  
熱退漸較亦宜忌熱食

### 第十四

若眼患疼痛突出者是五藏俱熱兼毒風相  
擊唯宜先與冷湯瀉之後服丸漸自消如瞳  
人脹起水輪脹也或如病難卒較漸漸療之  
卽可終不全惺惺可用氣針引之出惡清汁  
當時卽消更來宜再針

### 第十五

眼因物撞刺作翳者難治翳有根不全盡者  
也不得傳藥且宜將息勿見風待痛定始得

傳藥如覺有熱性亦卽服去熱風飲子恐熱  
上衝加增

第十六

若因偏風牽引眼喎邪上下驗出赤淚宜傳  
摩風膏服去風飲子并煎點眼藥不在鈎割  
眼有息肉鈎割無妨若上下驗赤動葉葉者  
可針清明穴及承泣引之大眥頭爲清明穴  
瞳人直下二分爲承泣隨冷熱補瀉之

第十七

眼都不曾患忽然赤痛如錐刀刺或如火炙  
有熱著翁翁者爲神祟眼須祈禱去之然後  
依狀療之臨時候疾處理或生翳亦不得鈎  
割只可點善散煎耳鬼神眼非久

第十八

若自白睛中脹起覆烏珠及上下驗腫痒或  
痛者此是暴風客入肺所致漸衝上可用寫  
之及服丸散傳塌毒散鎌去血眼中傳抽風  
藥卽差或是坐卧處被風衝擊作之特宜將

息忌房等事

第十九

若眼無別患唯至黃昏卽不見物者名爲雀  
盲無所長暗久卽傷之名之鳥目此疾從肝  
中虛熱兼風勞作主亦因患後衝風兼又肝  
氣不足致然亦於後變爲青盲可服補肝丸  
還睛散忌房及熱食兼無眼睫毛卽難治也

第二十

若眼因別患後失明初不過痛日久白膜極

厚遍經三五年中心不黃赤者療得効可用  
平頭錐火燒赤當翳中烙破卽輕輕下手然  
後翳爛卽傳蝕翳藥不得全好耳宜服明目  
諸丸散必効

第二十一

若眼目赤淚出者漸生翳鄣乍惡積久眼皮  
漸急小名爲倒睫眼是熱風所牽便令眼毛  
倒轉斬著致然其狀是風熱逼眼淚頻頻拭  
挹之卽令眼毛向後刺睛澀痛淚出日久致

然淨去手勿令出傳藥先須服湯丸去熱熱風若生翳厚及赤爛數數針之傳朱砂煎相宜也

第二十二

若眼因患腫出膿已後大背頭常出膿涎水者名漏睛眼甚難療亦須時時服熱風飲子卽無大害不爾漸成大瘡日久眼微點黑色耳

第二十三

若眼別無所疾唯蹲坐忽起頭旋暗花生者是心風及肝腎虛弱所致宜服鎮心丸補肝丸去風熱卽差

第二十四

若眼因患生翳障疼痛翳如旋螺小不可治縱治微輕耳爲有根絕不得全効若時疼痛是風熱未盡宜服湯藥痛卽定宜去風熱服丸散卽定甚則痛不定本病突出或陷

第二十五

若眼生翳從珠下者易醫名爲順翳從珠上生者難治縱較卽緩緩名爲逆翳且久服食卽損不可急卒慎之爲連水睛切須善將息忌風熱五辛

第二十六

若眼瞼皮裏生赤肉狀如蠅許大或如鷄冠生此是血脈來凝結所致兼熱毒風作之眼仍見物重者都覆黑珠遍障障者不見物者亦可開之其眼宛然還見物宜服藥令熱

定然後去之亦然見物小兒患者或如麻米粒並可割去之中極多血須用火熨烙卽差不熨烙卽血出不定其疾多愛眼下瞼中生也

第二十七

若眼上瞼皮裏有核子如米豆粒漸長或如梅李大者此因熱生可針破捻去物狀如厚膿或如桃李膠去之眼差須翻眼皮向裏然可針外針作痕又恐風入往往有此疾不爾

久後流入眼中卽難治也

第二十八

若眼都無異處忽然瞋暗不見一物者細看瞳人中便見有翳者作青白色是腦脂流灌下逐致厚實然須開之十全若薄開者必見反損後亦不治或因勞脂下灌者治法准前開了准洗服冷丸散補之

第二十九

若眼忽單淚出者澀痛者亦如眯著者名粟

子疾後上臉生白子如粟粒極硬沙刺之然也可翻眼皮起針撥去粟子惡血服冷藥卽差粟子有五色不定針治同

第三十

若黑風緣風等皆從一眼前發者多已後必相牽俱患卽覺頭旋眼有花額角如繩纏疼痛不可堪忍月日間或因食熱酒麵發還如舊則候時時發動此是惡候失目定徵土土急服冷藥治風熱毒宜服零羊角湯數服至

愈爲度次及丸散針開諸穴散出熱風牽出  
令寬不爾失此眼也此候恣惡善自將息細  
看禁忌慎護之不可喫生冷五辛芸薑生雞  
子熱麵酒醋毒魚猪肉油膩葵諸香菜及陳  
臭等物若澀開以輕輕掠之此疾師治二分  
自治八分如縱性自在之人不能將攝瞳人  
若青色絕三光者無煩救療耳

巢氏病源 目病諸候

目赤痛候

凡人肝氣通於目言肝氣爲熱熱衝於目故  
令赤痛

目風赤候

目者肝之竅風熱在內乘肝其氣外衝於目  
故見風淚出目驗皆赤

目赤爛皆候

此由冒觸風日風熱之氣傷於目而皆驗皆  
赤爛見風彌甚世亦云風眼

目數十年赤候



類聚六十四  
五十四  
風熱傷於目眥則眥赤爛其風熱不去故眥常赤爛積年不瘥

### 目風腫候

目爲肝之外候肝虛不足爲冷熱之氣所干故氣上衝於目外復遇風冷所擊冷熱相搏而令瞼內結腫或如杏核大或如酸棗之狀腫而因風所發故謂之風腫

### 目風淚出候

目爲肝之外候若被風邪傷肝肝氣不足故

### 令目淚出

### 目淚出不止候

夫五臟六腑皆有津液通於目者爲淚若臟氣不足則不能收制其液故目自然淚出亦不因風而出不止本無赤痛

### 目膚翳覆瞳子候

此言肝臟不足爲風熱之氣所干故於目睛上生翳翳久不散漸漸長侵覆瞳子

### 目息肉淫膚候

息肉淫膚者此由邪熱在臟氣衝於目熱氣切於血脉蘊積不散結而生息肉在於白睛膚臉之間卽謂之息肉淫膚也

### 目青盲候

清盲者謂眼本無異瞳子黑白分明直不見物耳但五臟六腑之精氣皆上注於目若藏虛有風邪痰飲乘之有熱則赤痛無熱但內生鄣是腑臟血氣不榮於睛故外狀不異只不見物而已是之謂青盲

### 目青盲有翳候

白黑二睛無有損傷瞳子分明但不見物名爲青盲更加以風熱乘之氣不外泄蘊積於睛間而生翳似蠅翅者覆瞳子上故謂青盲翳也

### 目茫茫候

夫目是五臟六腑之精華宗脉之所聚肝之外候也腑臟虛損爲風邪痰熱所乘氣傳於肝上衝於目故令視瞻不分明謂之茫茫也

凡目病若肝氣不足兼胃鬲風痰勞熱則目不能遠視視物則茫茫漠漠也若心氣虛亦令目泄泄或惡見火光視見蜚蠅黃黑也診其左手尺中脉沉爲陰陰實者目視泄泄其脉浮大而緩者此爲逆必死

目珠子脫出候

目是臟腑陰陽之精華宗脉之所聚上液之道肝之外候凡人風熱痰飲漬於臟腑陰陽不和肝氣蘊積生熱熱衝於目使目睛疼痛

熱氣衝擊其珠子故令脫出

目不能遠視候

夫目不能遠視者由目爲肝之外候腑臟之精華若勞傷腑臟肝氣不足兼受風邪使精華之氣衰弱故不能遠視

目澀候

目肝之外候也腑臟之精華宗脉之所聚上液之道若悲哀內動腑臟則液道開而泣下其液竭者則目澀又風邪內乘其腑臟外傳

於液道亦令泣下而數欠泣竭則目澁若腑  
臟勞熱熱氣乘於肝而衝發於目則目熱而  
澁也甚則赤痛

目眩候

目者五臟六腑之精華宗脉之所聚也筋骨  
血氣之精與脉并為目系系上屬於腦若腦  
臟虛風邪乘虛隨目系入於腦則令腦轉而  
目系急則目眴而眩也

目視一物為兩候

目是五臟六腑之精華凡人腑臟不足精虛  
而邪氣乘之則精散故視一物為兩也

目偏視候

目是五臟六腑之精華人腑臟虛而風邪入  
於目而瞳子被風所射睛不正則偏視此患  
亦有從小而得之者亦有長大方病之者皆  
由目之精氣虛而受風邪所射故也

目飛血候

目肝之外候也肝藏血足厥陰也其脉起足

大趾之聚毛入連於目系其經脈之血氣虛而爲風熱所乘故血脈生於白睛之上謂之飛血

目黑候

目黑者肝虛故也目是臟腑之精華肝之外候而肝藏血腑臟虛損血氣不足故肝虛不能榮於目致精彩不分明故目黑

目暈候

五臟六腑之精華皆上注於目目爲肝之外

候肝藏血血氣不足則肝虛致受風邪風邪搏於精氣故精氣聚生於白睛之上繞於黑睛之際精彩昏濁黑白不明審謂之目暈

眵目候

眵公縣切

眵目者是風氣客於瞼眥之間與血氣津液相搏使目眥痒而淚出目眥恒濕故謂之眵目

目眵候

目是腑臟之精華肝之外候夫目上液之道

腑臟有熱氣熏於肝衝發於目眥眦使液通熱澀滯結成眵眦也

眵目候

目是腑臟血氣之精華肝之外候然則五臟六腑之血氣皆上榮於目也若血氣虛則膚腠開而受風風客於眦膚之間所以其皮緩縱垂覆於目則不能開世呼爲眵目亦名侵風

目眇候

目者腑臟之精華宗脉之所聚肝之外候也風邪停飲在於臟腑侵於肝氣上衝於眼則生鄣翳珠管息肉其經絡有偏虛者翳鄣則偏覆一瞳子故偏不見物謂之眇目

目蜡候

蜡音卽

蜡目者是蠅蛆目眥成瘡故謂之蜡目

目肥候

肥目者白睛上生點注或如浮萍或如榆莢有如胡粉色者有作青黑色者似羹上脂致

令目暗世呼為肥目五臟六腑之精華皆上注於目為肝之外候宗脉所聚上液之道此由腑臟氣虛津液為邪所搏變化而生也

目胞瘡候

目肝之候也五臟六腑之精華上榮於目腑臟有熱氣乘於肝衝發於目熱氣結聚故睛上生胞瘡也

目封塞候

目肝之外候也肝氣通於目風邪毒氣客於

瞼膚之間結聚成腫腫而瞼合不開故謂之封塞然外為風毒結腫內則蘊積生熱若腫不即消熱勢留滯則變生膚翳息肉白鄣也

目內有丁候

目肝之外候也臟腑熱盛熱乘於腑氣衝於目熱氣結聚而目內變生狀如丁也

割目後除痛止血候

夫目生淫膚息肉其根皆從目眥染漸而起五臟六腑之精華上注於目目宗脉之所聚

肝之外候也肝藏血十二經脈有起內眥兌  
皆者風熱氣乘其臟腑臟腑生熱熱氣熏肝  
衝發於目熱搏血結故生淫膚息肉割之而  
傷經脈者則令痛不止血出不住卽須方藥  
除療之

千金方

目病

凡人年四十五已後漸覺眼暗至六十已後  
還漸目明治之法五十已前可服瀉肝湯五

十已後不可瀉肝目中有疾可傅石膽散藥  
等無病不可輒傅散但補肝而已自有肝中  
有風熱令人眼昏暗者當灸肝輪及服除風  
湯圓散數十劑當愈

生食五辛 接熱飲食 熱食麪食 飲  
酒不已 房室無節 極目遠視 數看  
日月 夜視星火 夜讀細書 月下看  
書 抄寫多年 雕鏤細作 博弈不休  
久處烟火 泣淚過多 刺頭出血過多



千金月令無房室無節四字有雪下  
視日月中看花看弄盤鈴十二字

右十六件並是喪明之本養性之士宜熟  
慎焉又有馳騁田獵冒涉風霜迎風追獸  
日夜不息者亦是傷目之媒也恣一時之  
浮意爲百年之痼疾可慎歟凡人少時  
不自將慎年至四十卽漸眼昏若能依此  
慎護可得白首無他所以人年四十已去  
常須瞑目勿顧他視非有要事不宜輒開  
此一術護慎之極也其讀書博奕等過度

患目者名曰肝勞若欲治之非三年閉目  
不視不可得瘥徒自瀉肝及作諸治終是  
無效人有風疹必多眼暗先攻其風其暗  
自瘥

足太陽陽明手少陽脉動發目病黃帝問曰  
余嘗上清冷之臺中陞而顧匍匐而前余私  
異之竊內怪之或獨冥視安心定氣久而不  
解被髮長跪俛而視復久之又不已卒然自  
止何氣使然岐伯對曰五藏六腑之精氣皆

上注於目而爲之睛睛之果者爲眼骨之精  
爲瞳子筋之精爲黑眼血之精爲其胥果氣  
之精爲白眼肌肉之精爲約束果契筋骨血  
氣之精而與脉并爲系系上屬於腦後出於  
項中故邪中於項因逢身之虛其入深則隨  
眼系以入於腦入於腦則轉轉則引目系急  
急則目眩以轉矣邪中其睛則其睛所中者  
不相比則睛散睛散則岐故見兩物目者五  
藏六腑之精也營衛魂魄之所營也神氣之

所生也故神勞則魂魄散志意亂是故瞳子

黑眼法於陰白眼赤脉法於陽故陰陽合揣

靈樞作而精明矣目者心之使也心者神之

舍也故神分精亂而不專靈樞作轉卒然見非常

之處精神魂魄散不相得故曰惑帝曰余疑

何其然也余每之東苑未嘗不惑去之則復

余惟獨爲東苑勞神乎何其異也岐伯曰不

然夫心有所喜神有所惡卒然相感則精亂

視誤故神惑神移乃復是故間者爲迷甚者

爲惑

目眥外決於面者爲兌眥在內近鼻者上爲外眥下爲內眥目赤色者病在心白色者病在肺青色者病在肝黃色者病在脾黑色者病在腎黃色不可名者病在胃中

診目痛赤脈從上下者太陽病從下上者陽明病從外走內者少陽病

夫鼻洞鼻洞者濁下不止傳爲鼽瞢瞑目故得之氣厥足陽明有俠鼻入於面者名曰懸

顱屬口對入係日本視有過者取之損有餘益不足反者益甚足太陽有通項入於腦者正屬日本名曰眼系頭目固痛取之在項中兩筋間入腦乃別陰躋陰陽相交陽入陰出陽交於兌眥陽氣盛則瞋目陰氣絕則眠聖惠方

眼論

夫六識之中雙眸爲上所以稱爲日月喻若驪珠託二耀而辯玄黃藏四氣而通瞻視故

得身安名達規矩全軀莫不貴平斯也上士  
明哲自調五藏而能養神神安則藏和藏和  
則眼目清潔時偶失治療之有憑縱有微病  
必易驅遣中士之類由明動靜自曉節宣設  
使乖違亦易除愈下俚之輩損益既昧寒暄  
失宜凡有疾纏不能早療遂有所傷也祇如  
眼者唯輕膜裏水水性清澄不耐纖埃易致  
其損皎潔瑩淨無不鑒明貴若寶珠故号爲  
眼珠也凡舉動瞻視要假三光外眇則內視

不明內明則外視而朗故眼爲五藏之候也  
瞳人黑水腎之主也血輪如環心之主也白  
睛應肺物管於肝眼帶雖繫於肝明孔徧通  
五藏藏氣若亂目患卽生諸藏旣安何輒有  
損是以花衰枝病根朽葉凋若內有所傷則  
外生疾矣又曰目者精氣之餘心之主肝之  
官也五藏之精氣皆上注於目骨之精爲瞳  
人筋之精爲黑睛血之精爲絡脉氣之精爲  
白睛肉之精爲鈎束是以筋骨氣血之精共

成其目也夫意思慮皆會於心心藏神肝藏魂腎藏志肝爲中將取決於膽會氣於心而注於目目者五藏之精氣也五藏有病皆形於目目色赤病在心目色白病在肺目色青病在肝目色黃病在脾目色黑病在腎不可名者病在胃中陽氣失則目暝陰氣絕則目盲肝氣通於目肝氣逆和則辯五色肝有病則目奪精而眩肝中寒則目昏而瞳子痛邪傷肝則目青黑瞻視不明肝實熱則目痛如

刺肝虛寒則目眈眈諦視生花肝勞寒則目澁閉不開肝氣不足則目昏暗風淚視物不明肝熱衝睛目眦赤痛生瘰肉及目睛黃膽與肝合膽虛爲陰邪所傷目中生花肝熱則目中多赤痛淚出肝不利則目昏肝熱中風則目欲脫而淚出又曰目熱則內外皆爛肝久熱實則目赤而生淫膚瘰肉故目者五藏之精氣所成也又曰眼有五輪風輪血輪氣輪水輪肉輪五輪應於五藏隨氣之王也肝

者在藏爲肝其色青其味酸屬東方甲乙木也王於春肝氣通於目左目屬甲爲陽右目屬乙爲陰肝生風眼有風輪也雖有其名形狀難曉與水輪相輔也心者在藏爲心其色赤其味苦屬南方丙丁火也王於夏心生血眼有血輪也血輪與肉輪相連赤黑色是也此輪忌針脾者在藏爲脾其色黃其味甘屬中央戊己土也王於四季十八日脾生肉眼有肉輪也肉輪在外鬱鬱黃白色今俗爲白

睛也肺者在藏爲肺其色白其味辛屬西方庚辛金也王於秋肺生氣眼有氣輪也氣輪在肉輪之下隱而不見也腎者在藏爲腎其色黑其味鹹屬北方壬癸水也王於冬眼有水輪也水輪在四輪之內爲四輪之母能射光明能視萬物今呼爲瞳人也肝藏病者應於風輪風輪病卽望風淚出覩物煙生夜退晝增疼痛畏日或如青衣拂拂時似飛蠅聯此是肝藏之疾宜治肝也心藏病者應於

血輪病卽飛花競起散亂蹤橫肉漸漸  
沾睛兩眦淚淹赤爛此是心藏之疾宜治心  
也脾藏病者應於肉輪肉輪病卽臉內腫疼  
皆頭澁痛眼見飛絲繚亂又如毛髮蹤橫夜  
半甚於昏黃日沒增於早起此是脾藏之疾  
宜治脾也肺藏病者應於氣輪氣輪病卽忽  
如雲飛遮日逡巡却漸分明或如雪影中花  
或似飛蠅相趁此是肺藏之病宜治肺也腎  
藏病者應於水輪水輪病卽黑花簇簇霧氣

昏昏視一物而見兩般觀太陽如同水底此  
是腎藏之疾宜治腎也

夫眼目者法天地日月也天地清淨日月光  
明天地晦暝日月昏暗經云眼應於肝王春  
三月作魂神宮眼爲戶牖所通萬事無不親  
之好惡是非自然分別自少及長疾狀多般  
皆是攝養有乖致使眼目生患凡人多餐熱  
食或嗜五辛喜怒不時滯欲不節凌寒冒暑  
坐濕當風恣意叫呼任情號泣長夜不寐永

日不眠極目視山登高望遠或久處烟火或  
博奕經時抄寫多季雕鏤繡畫燈下看字月  
中讀書川其眼力皆失光明也更有馳騁畋  
獵冒涉雪霜向日迎風晝夜不息皆是喪目  
之因也恣一時之快意爲百疾之深源所以  
疾生眼目也諸有養性之士必須慎焉若能  
終身保惜可使白首無患

眼內障論

夫一身之有雙眸若層霄之有兩曜雖浮雲

暫起不妨臨照之功而纖翳或生便失毫釐  
之鑑所以璧瑕珠類必傷希代之珍神水華  
池須固養身之道故眼通五藏氣貫五輪肺  
管白睛白應庚辛之位腎關黑水黑屬壬癸  
之方血應丙丁肉輪戊己眼歸甲乙木乃應  
肝心氣通而肝氣利眼無其疾心氣滯而肝  
氣乏目減其光養氣存神安心惜視體旣繼  
於父母氣悉受於陰陽其間或處胎中或乃  
生下自幼及長厥狀多般受疾者莫曉患由



專醫者須窮病本若能審細無不痊除凡眼不痛不痒端然漸漸昏暗遂至失明眼狀雖如尋常瞳人中潛生障翳作青白色漸不辯人物微見三光名曰內障也多從一眼先患久後相牽俱成此狀若不預服湯丸除其根本不尔爲翳在內肉脉相連雙損故也此皆熱風衝腦腦脂流下灌睛亦有黑水凝結而作障也若忽然而暗經三五十日翳成者則是腦脂流下所致若三五百日之內漸漸眊

眊者卽是黑水凝結所成纔覺急須療治駐其疾勢不尔昏昧障翳內成非草石療之見功唯金針撥之乃效又曰內障之眼凝滑數種異象多般有浮有沉或滑或澀或形如皓雪或狀似清冰或散若梨花或半分片月風撮明竅熱攻翳開缺角無垣斜喎有異或翳嫩難見或翳老粘睛向陽色之不通背日閃之不動更有蒼黃非等灰色殊形如斯異同窮論莫盡其中亦有不可治者初患之時腦

痛眼疼又有雖不痛疼霍之不動者名曰死翳其翳作黃赤色不可治也又有翳狀或作破散或深或淺中心垂布濃厚者亦不可治也凡學針開然須審細辨其證候明其淺深脫或不曉病源未達機要妄行針藥遂致損傷深可戒也儻或盡窮旨趣洞別纖微如啓蟬以呈珠似撥雲而見日則竈上之功於茲可得矣

### 開內障眼論

凡內障之眼形候甚多好惡非一有冰有澀有滑有散冰者撥之不下滑者閉之不牢澀者收之稍遲散者刮之難聚如此之類各有浮沉鑿辨者絕稀造次者尤甚偶逢有效以爲功能忽若不痊便言分命是以學者必須洞明形狀細察根源窮其是非間不容易翳狀不少受病多端或浮或沉或老或嫩用針輕重麓細則量宜淺宜深宜遲宜疾患人或冷或熱或實或虛若熱多者先宜服涼藥冷

熱毒稍除然始開之不尔恐氣開吐逆若有  
風虛者先宜以祛風鎮心之藥候四體平和  
方始下針不尔暈悶驚悸切在臨時消息隨  
其虛實所宜也又性熱者腦脂流下其翳易  
老性冷者其翳難老老障者可用小針嫩薄  
者須用大針翳浮者去烏珠近下針之障沉  
者須遠下針翳若沉下針近撥之則其翳不  
牢翳若浮下針遠撥之則翳多破若婦人有  
妊娠及新產後有斯疾者夫宜下針直候體

力安平方可開之不尔則必有所損爾凡開  
內障及諸翳膜瘰肉等並須候天氣晴朗無  
風仍靜處斷除喧亂安心定意方可行針隨  
眼左右宜向小眥頭下針隔鼻開眼者鼻礙  
於手下針不妙令患者正面坐手捉醫人腰  
帶勿令放手先將鈍針拄穴令定便得眼慣  
勿令轉動定呼吸氣五十息徐徐進針勿令  
過重亦不可全輕初且須輕輕未入即須稍  
重針頭若偏或有傷損血則隨針出即不可

止亦不得重手按之恐血更多可輕輕裏之  
又須緩氣徐徐用力逼之血卽自止若血不  
止必見大傷則待血凝塞針孔則合也可依  
舊法用藥將息轉針不過子午若針覺緊急  
者則是入膜若放手猶滑及未得全入若已  
入了其眼覺痛若痛且住歇少時更漸漸進  
之臨欲過膜痛卽更甚方使用意針過待痛  
稍定卽可倒針向瞳人與瞳人齊平撥之向  
下不得絕重手也離瞳人微近開眼便見物

既見物須捻眼合緩緩抽針出了停五十息  
久開得明朗見物分明卽以絲封之依法將  
息勿令失度稍失其宜卽翳暈却上准前更  
開亦得若撥後有動靜隨狀止之若有痛處  
以手隨處掐之卽定若大痛不定卽以火熨  
之凡欲下針預向人說忽恐下手疾人驚惡  
嘔吐亦須煖藥止痛以大黃木香等爲末以  
醋漿水和如泥作餅子搗之卽定或吐不定  
含白梅咽津仍預先含之吐逆盛卽難止凡

諸藥須預備擬不可臨時闕也痛久不可忍  
卽見損也開眼後絲封七日喫鼓粥仰臥不  
得轉動側臥常須人看不得離人勿高聲叫  
喚大小便緩緩扶起勿令患者用力及不得  
洗面避風將息七日後開封若見物猶白色  
或如霜雪蓋是眼嫩故也亦未可全除封看  
物卽可時時一開若看物甚卽睛疼必有所  
損二七日後方可除封有物狀如衣帶飛蟲  
懸針之動水輪未定喫藥漸漸自己三七日

外眼忽痒無慮也凡開眼時患者不得太飽  
亦無令飢也旣開見物或有痛處隨左右針  
之及掐捻左右督脉顛顛風府等穴若針痕  
痛二三日卽自定也一月內不用洗而恐水  
入針孔卽有所損宜以絲漬鹽湯微微拭之  
七日內不得喫飯恐動牙關應著水輪故須  
喫粥及軟爛之物夫治眼不論障翳及諸雜  
狀候之眼皆不得當風看日及喜怒房事五  
辛酒麪炙煨毒物並宜斷之唯須寬緩情性

慎護調攝卽無不差也若縱恣乖違觸犯禁忌則自貽其咎矣

和劑指南

論眼目諸證候

眼目昏暗視物不明不腫不痛不赤亦無翳膜此內障證候也或見黑花或有冷淚者是肝腎俱虛不可便服涼藥只可與明眼地黃圓菊睛圓駐景圓還睛圓錦鳩圓决明圓尋常肝有風熱眼痒澁昏暗有淚視物不見

只可與菩薩散决明散還睛圓撥雲散菊花

散蜜蒙花散腎風眼痒四生散秦皮散湯泡

散紫金膏洗春雪膏點管見大全良方無春雪膏點四字有近人

以蠅附散兼嚼如聖解有效十三字外障翳膜侵睛弩肉久病

者空心可與駐景圓菊睛圓食後服决明圓

撥雲散菩薩散蜜蒙花散秘傳羊肝圓點剝

膜膏良久用紫金膏洗或春雪膏暴赤眼

昏澁疼痛羞明下熱淚不可點亦不可洗只

可與還睛圓洗心散洗肝散八正散甘露飲

菩薩散撥雲散 睛痛不可忍者與菴活散  
還睛圓兩圓只作一服立止并治頭風痛神  
效良方此下云或云凡暴赤眼不可多服洗  
汗散只喫四五服則止之大過則令人眼  
枯臉皆赤爛視物不明昏暗有淚者肝有風  
也可與菩薩散撥雲散洗肝散菊花散蜜蒙  
花散決明散次用紫金膏洗春雪膏點  
三因方

### 眼敘論

夫眼者五臟之精明一生之至寶如天之有

日月其可不保護之然骨之精為瞳子屬腎  
筋之精為黑眼屬肝血之精為絡果屬心氣  
之精為白眼屬肺肉之精為約束屬脾契筋  
骨血氣之精與脉并為系系上屬於腦後出  
於頭中故木淫外傷五臟內籌飲食房室遠  
視悲泣抄寫雕鏤刺繡博奕不避烟塵刺血  
發汗皆能病目故方論有五輪八廓內外障  
等各各不同尤當分其所因及臟腑陰陽不  
可混濫如目決其面者為兌皆屬少陽近鼻

上爲外眥屬太陽下爲內眥屬陽明赤脉從上下者太陽病從下上陽明病從外走內者少陽病此三陽病不可混也睛色赤病在心色白病在肺色青病在肝色黑病在腎色黃病在脾色不可名者病在胃中此五臟三陽病不可混也

斷病提綱

眼證詞

瞳子屬腎骨之精黑眼通肝外應筋絡果血

精心所屬氣精白眼肺由分肉精約束爲脾契筋骨血肉精爲系系屬腦後出項中五臟所屬論斯備六淫外傷情內鬱飲食不節勞房室抄寫雕鏤刺繡工遠視悲思貪博奕冒涉烟塵霧露傷刺血發汗亡津液皆能損目蔽光明七十二種三因畢兌眥決而屬少陽外眥鼻上應膀胱鼻下內眥陽明胃赤脉所起細消詳病在五臟須看色睛上青紅黑白黃色不可明爲在胃精思詳辯乃爲良內鬱



生涎隨氣逆逢腦之虛滯系必蔭注瞳關眇  
淚生重爲障翳輕昏澁弩肉白膜忽漫睛皆  
是內因情所鬱邪氣乘虛入腦中故生外翳  
忽昏朦論分白翳并黃翳綠白青紅紫黑風  
八種不同隨證治風寒暑濕外邪攻一身至  
寶爲雙目五臟精華皆上育恣耽游佚喪精  
神一失光明難得復  
直指方

眼目方論

眼者五臟六腑之精華如日月麗天著明而  
不可揜者也其首尾赤眚屬心其滿眼白睛  
屬肺其烏睛圓大屬肝其上下肉胞屬脾而  
中間黑睛一點如漆者腎實主之是雖五臟  
各有證應然論其所主則瞳子之關係重焉  
何以言之目者肝之外候也肝取木腎取水  
水能生木子肝母腎焉有子母而能相離者  
哉故肝腎之氣充則精彩光明肝腎之氣乏  
則昏蒙暈眩烏輪赤暈刺痛浮漿此肝熱也

膽生清淚枯黃遶睛此肝虛也瞳人開大淡  
白褊斜此腎虛也瞳人焦小或帶微黃此腎  
熱也一虛一實以此驗之然人知肝腎之氣  
相依而行孰知心者神之舍又所以爲肝腎  
之副焉所謂一而二二而三者也何則心主  
血肝臟血血能生熱凡熱衝發於眼皆當清  
心涼肝又不可固執水生木之說特眼者輕  
膜裹水照徹四方遡源反本非天一之水又  
果孰爲之主宰乎析而論之則拘急牽颺瞳

青胞白癢而清淚不赤不疼是之謂風眼烏  
輪突起胞硬腫紅眩淚濕漿裏熱刺痛是之  
謂熱眼眼渾而淚胞腫而軟上壅朦朧酸澁  
微赤是之謂氣眼其或風與熱并則癢而浮  
赤風與氣搏則癢澁昏沉血熱交聚故生滯  
膚粟肉紅縷偷針之類氣血不至故有眇視  
胞垂雀眼盲障之形淡紫而隱紅者爲虛熱  
鮮紅而妬赤者爲實熱兩眦呈露生胬肉者  
此心熱血旺白睛紅膜如紙傘者此氣滯血

凝熱證瞳人內湧白睛帶濕色浮而赤也冷  
證瞳人青綠白睛枯槁氣沉而濁也眼熱經  
久復爲風冷所乘則赤爛眼中不赤但爲痰  
飲所注則作疼肝氣不順而挾熱所以羞明  
熱氣蓄聚而傷飽所以胞合吁此外證之大  
槩然爾五臟不可闕一脾與肺獨無預何耶  
曰白睛帶赤或紅筋者其熱在肺上胞下胞  
或目唇間如疥點者其熱在脾脾主味也五  
味之秀養諸中則精華發見於其外肺主氣

也水火升降榮衛流轉非氣孰能使之前所  
謂五臟各有證應者於此又可推矣雖然眼  
之爲患多生於熱其間用藥大抵以清心涼  
肝調血順氣爲先有如腎家惡燥設遇虛證  
亦不過以當歸地黃輩潤養之輕用溫藥不  
可也况夫肺能癸燥肝亦好潤古方率用杏  
仁柿乾飴糖砂蜜爲佐果非潤益之意乎至  
於退翳一節尤關利害凡翳起於肺家受熱  
輕則朦朧重則生翳真珠翳狀如碎米者易

散梅花翳狀如梅花葉者難消雖翳自熱生  
然治法先退翳而後退熱者謂熱極生翳若  
先去赤熱則血爲之水而翳不能去其有赤  
眼與之涼藥過多又且滌之以水不反掌而  
冰凝眼特一團水耳水性清澄尤不可規規  
於點洗喜怒失節嗜慾無度窮役眼力泣涕  
過傷凌寒衝風當暑冒日不避煙火飲啖熱  
多此皆患生於腑臟者也專事點洗可乎哉  
有能靜坐澄神愛護目力放懷息慮心逸日

休調和飲食以養之斟酌藥餌以平之明察  
秋淵斷可必矣諺曰眼不點不害耳不幹不  
聾請以爲戒風眼腫則軟  
熱眼腫則硬  
嚴氏濟生方

· 眼論治

人之有雙眸若天之有兩耀五臟六腑之精  
華宗脉之所聚洞視萬化肝之外候者也然  
骨之精爲瞳子屬腎筋之精爲黑眼屬肝血  
之精爲絡果屬心氣之精爲白眼屬肺肉之

精爲約束屬脾眼通五臟氣貫五輪由此觀  
之人之有生須固養身之道善攝生者養氣  
存神安心惜視然後心氣通暢肝氣和平精  
氣上注於目則目無其疾矣倘將養乖理六  
淫外傷七情內鬱嗜慾不節飲食無度生食  
五辛熱啖炙煇久視勤書憂哀悲泣皆能病  
目目之爲病睛色赤者病在心色白者病在  
肺色青者病在肝色黃者病在脾色黑者病  
在腎况方論有五輪八廓內外障等之證茲

不復敘治療之法必須洞明形狀細察根元  
窮其是非若能細審無不瘥除然病眼之人  
不得當風看日喜怒房勞五辛炙煇酒食毒  
物並宜斷之惟須寬緩情性慎護調攝卽無  
不瘥也若縱恣乖違觸犯禁忌自貽其咎必  
致喪明而後已可不謹歟  
嚴氏濟生續方


眼評治

夫眼者內則屬乎五藏外則應乎五藏瞳人

黑水腎之主也血輪如環心之主也絡裹者脾之主也白睛屬肺總管於肝眼帶雖係於肝明孔遍通五藏五藏皆有神善攝生者調五藏以養神神安則藏和藏和則眼目清潔自無疾矣凡所感之由與夫治療悉載前書茲不復叙續得三方專治暴風客熱可選而用之儻或精血衰微勤書久視憂哀悲泣而得之者却於前方中對證施治外有胎赤一證人之初生洗沐不潔令穢水浸漬於眼皆

使眶臉赤爛漸至長大終不能痊故云胎赤然小兒易虛易實易寒易熱輕進涼劑恐傷胃氣止宜用竜腦膏點之以瘥爲度

修月魯般經



五輪應五行

金應氣輪四圍白木應風輪黑輪之內是也水應水輪瞳人之內是也火應血輪大小背土應肉輪  
頭是也  
兩臉

入廓

膽之經清淨之廓腎之經會陰之廓膀胱經  
 津液之廓胃之經水穀之廓大腸經傳送之  
 廓小腸經闕泉之廓肺之經養化之廓命門  
 經抱陽之廓

五輪

肝主風故風輪心主血故血輪脾主肉故肉輪肺主氣故氣輪腎主水故水輪外應於眼內主五臟

五臟

兩眼角屬心火血眼白屬肺金氣黑睛屬肝木風眼珠屬腎水水眼皮屬脾土肉

五行相生

肺與大腸為傳送心與小腸為受盛肝與膽

相連腎與膀胱相連脾與命門相連

肝病十般

散翳內障主自多羞明肝睛青內障絕惡風  
內障肝雀目肝混睛內障肝中睛大  
小惡風目不分背冷肝膽兩太陽疼肝膽目黃  
肝絕氣

心主八般

蟹眼心氣旋螺眼心氣突眼心家受攀睛心  
受血灌瞳人心不努肉侵睛口眼如針刺心

類聚

卷六



睛多赤脉熱心

脾家至臉九般臉上下

臉生風粟脾熱臉滿脾虛臉腫脾受熱臉掣脾家受熱臉

緊急脾氣實臉痒脾風熱臉牛倒睫脾受風臉赤脾主

病熱

腎主黑睛七般

黑花腎虛睛散失明腎氣絕衝風多淚腎冷視物如

霧中腎寒視物不明腎敗衝風多熱淚腎敗起坐生

花絕腎氣

肺主白睛八般

黃膜外障肺病赤膜外障肺熱漏睛濃出肺氣絕水

翳肺受寒邪一翳根深肺絕赤肺成翳肺受熱忽然熱

腫痛肝肺熱攻暴赤生瘡肺受邪毒

儒門事親

日疾頭風出血最急說

內經曰目得血而能視此一句聖人論人氣血之常也後世之醫不達其旨遂有惜血如金之說自此說起目疾頭風諸證不得而愈

類聚六十四  
矣何以言之聖人雖言目得血而能視然血  
亦有太過不及也太過則目壅塞而發痛不  
及則目耗竭而失睛故年少之人多太過年  
老之人多不及但年少之人則無不及但年  
老之人其間猶有太過者不可不察也夫目  
之內皆太陽經之所起血多氣少目之銳眥  
少陽經也血少氣多目之上綱太陽經也亦  
血多氣少目之下綱陽明經也血氣俱多然  
陽明經起於目兩傍交頰之中與太陽少陽

俱會於目惟足厥陰肝經連於目系而已故  
血太過者太陽陽明之實也血不及者厥陰  
之虛也故出血者宜太陽陽明蓋此二經血  
多故也少陽一經不宜出血血少故也刺太  
陽陽明出血則目愈明刺少陽出血則目愈  
昏要知無使太過不及以血養目而已此內  
經所謂目得血而能視者此也凡血之爲物  
太多則益太少則枯人熱則血行疾而多寒  
則血行遲而少此常理也至於目者肝之外

候也肝主目在五行屬木然木之爲物太茂則蔽密太衰則枯瘁蔽密則風不踈通故多摧拉枯瘁則液不浸潤故無榮華又况人之有目如天之有日月也人目之有翳如日月之有雲霧也凡雲之興未有不因蒸騰而起者雖隆冬之時猶且然耳况於炎夏之時乎故目暴赤腫起羞明隱澁泪出不止暴寒目瞶皆大熱之所爲也夫目之五輪乃五臟六府之精華宗脉之所聚其白人屬肺金肉輪

屬脾土赤脉屬心火黑水神光屬腎水兼屬肝木此世俗皆知之矣及有目疾則而不知病之理豈知目不因火則不病何以言之白人變赤火乘肺也肉輪赤腫火乘脾也黑水神光被翳火乘肝與腎也赤脉貫目火自甚也能治火者一句可了故內經曰熱勝則腫治火之法在藥則鹹寒吐之下之在針則神廷上星顙會前頂百會血之翳者可使立退痛者可使立已昧者可使立明腫者可使立

消惟小兒不可刺顛會爲肉分淺薄恐傷其骨然小兒水在上火在下故目明老人火在上水不足故目昏內經曰血實者宜決之又經曰虛者補之實者寫之如雀目不能夜視及內障暴怒大憂之所致也皆肝主目血少禁出血止宜補肝養腎至於暴赤腫痛皆宜以銚鍼刺前五穴出血而已次調鹽油以塗髮根甚者雖至于再至于三可也量其病勢以平爲期少白可黑落髮可生有此神驗不

可輕傳人年四五十不問男女目暴赤腫隱澁難開者以三稜鍼刺前頂百會穴出血大妙至如年少髮早白落或白屑者此血熱而太過也世俗止知髮者血之餘也血襄故耳豈知血熱而寒髮反不茂肝者木也火多水少木反不榮火至於頂炎上之甚也夫熱病汗後勞病之後皆髮多脫落豈有寒耶故年襄火勝之人最宜出血但人情見出血皆不悅矣豈知出血者乃所以養血也凡鬼雞

猪狗酒醋濕麪動風生冷等物及憂忿勞力等事如犯之則不愈矣惟後頂強間腦戶風府四穴不可輕用鍼灸以避忌多故也若有誤不幸令人瘖固宜慎之其前五穴非徒治目疾至於頭痛腰脊強外腎囊燥癢出血皆愈凡鍼此勿深深則傷骨唐甄權尤得出血之法世俗云熱湯沃眼十日明此言謬之久矣火方乘目更以熱湯沃之兩熱相搏是猶投賊以刃也豈知凉水沃之暫澁而久滑熱

水沃之暫滑而久澁不然曷以病目者忌沐浴或曰世俗皆言凉水沃眼血脉不行余聞大笑之眼藥中用黃連鵬砂朴硝龍腦熊膽之屬皆使人血脉不行耶何謬之甚也又若頭風之甚者久則目昏偏頭風者少陽相火也久則目束小大腸閼澁者目必昏何也久病滑泄者目肯明惟小兒利久反疳眼蓋極則反與此稍異其餘皆宜出血而夫下之余嘗病目亦或腫或翳作止無時偶至親息帥

府間病目百餘日羞明隱澁腫痛不已忽眼  
 科姜仲安云宜上星至百會速以銚鍼刺四  
 五十刺攢竹穴絲竹穴上兼眉際一十刺及  
 鼻兩孔內以草蕪彈之出血三處出血如泉  
 約二升許來日愈大半三日平復如故余自  
 嘆曰百目之苦一朝而解學醫半山尚闕此  
 法不學可乎惟小兒癩瘡火眼者乃余熱不  
 散耳止宜降心火寫肝風益腎水則愈矣若  
 大人目暴病者宜汗下吐以其血在表故宜

汗以其火在上故宜吐以其熱在中故宜下  
 出血之與發汗名雖異而實同故錄銅人中  
 五穴照用  
 治病百法

兩目暴赤

夫兩目暴赤發痛不止可以長流水煎鹽湯  
 吐之次服神芎丸四物湯之類內經曰暴病  
 皆屬火也又曰治病有緩急急則治其標緩  
 則治其本標者赤腫也本者火熱也以草蕪

鼻中出血最妙治法雜論云鹽湯鹹寒所以制火

目腫

夫兩目暴赤腫痛不能開者以青金散鼻內

嗜之鼻中出血更捷治法雜論云嗜之嚏之真氣上涌邪氣自出

病目經年

夫病赤目經年不愈者是頭風所加之加之

頭痛可用獨聖散八正散之類赤日腫作是

足厥陰肝經有熱利小便能去肝經風熱也

十形三療

目盲

戴人女僮至西華目忽暴盲不見物戴人曰

此相火也太陽陽明氣血俱盛乃刺其鼻中

攢竹穴與頂前五穴大出血目立明

目赤

李氏範目常赤至戊子年火運君火司天其

年病目者往往暴盲運火炎烈故也民範是

年目大發遂遇戴人以芫蕪散涌之赤立消

不數日又大發其病之來也先於左目內眥

赤發牽睛狀如鋪麻左之右次銳皆發亦左  
之右赤貫瞳子再涌之又退凡五次發亦五  
次皆涌又刺其手中出血及頭上鼻中皆出  
血上下中外皆奪方能戰退然不敢觀書及  
見日張云當候秋涼再攻則愈火方王而在  
皮膚雖攻其裏無益也秋涼則熱漸入裏方  
可擒也惟宜暗處閉目以養其神水暗與靜  
屬水明與動屬火所以不宜見日也蓋民範  
因初愈後曾冒暑出門故痛連發不愈如是

涌泄之後不可常攻使服黍粘子以退翳方  
在別集中

### 赤目

安喜趙君玉目暴赤腫點洗不退偶思戴人  
語曰凡病在上者皆宜吐乃以茶調散涌之  
一涌赤腫消散君玉歎曰法之妙其迅如此  
乃知法不遠人人自遠法也

### 目蒙

清州王之一子年十余歲目赤多淚衆工無



効戴人見之曰此兒病目曩當得之母腹中  
被驚其父曰妊娠時在臨清被圍戴人令服  
芫蕪散加蔚金上涌而下泄各去涎沫數升  
人皆笑之其母亦曰兒腹中無病何吐瀉如  
此至明日其目耀然爽明李仲安見而驚曰  
奇哉此法戴人其日又與頰上出血及眉上  
鼻中皆出血吐時次用通經散二錢舟車丸  
七十粒自吐却少半又以通經散一錢投之  
明日又以舟車丸三十粒投之下一入行病

更不作矣

治法雜論

凡目有淚出俗言作冷淚者非也內經曰肝  
液不禁此大熱薰蒸於肝也熱極生風風衝  
於外火發於內風熱相搏此大淚出也內外  
皆治可以愈也治外以貝母一枚白鳳者佳  
胡椒七枚不犯銅鐵研細臨卧點之治內者  
虫風散熱之劑可用常歸飲子服之陽熱極  
甚者日睛發痛不可忍者可用四物湯加漢

防已草龍膽送下神芎九五七十九利三五  
行則愈

凡赤目經年不愈是謂頭風所注更加頭痛  
可用獨聖散吐之次服洗心散八正散之類  
赤目腫作是足厥陰肝經有熱用利小便瀉  
肝經除風熱之寒藥則愈矣

凡風衝泣下俗呼爲冷淚者謬也內經曰太  
陰不能禁固因風衝于外火焚于內風熱相  
搏由此泣下內經曰熱則五液皆出熱甚則

淚出治之以貝母一枚白膩者佳胡椒七枚  
不犯銅鐵研細點之臨臥治法曰風宜辛散  
寒宜甘發氣遇寒則凝血得熱則散  
宣明論

眼科論

素問云目得血而能視手得血而能握其證  
足厥陰之經絡所主肝臟受虛而卽補腎實  
而卽瀉心

夫人之眼目者似天地之日月也若人無雙

自豈能別辨賢愚天無日月萬物安得照耀  
是以眼通五臟氣貫五輪外應肝候肝臟虛  
而風邪鬱風邪鬱而熱蘊衝火炎上行故攻  
目昏滲澁疼痛赤絲皆發榮衛實則能視榮  
衛虛則昏暗凡人多食熱物或嗜五辛坐濕  
當風凌寒冒暑將息失度皆喪目之源也  
東垣試效方

諸脉者皆屬於目論

陰陽應象論云諸脉者皆屬於目目得血而

能視黃帝鍼經九卷  
大惑論第八五臟六腑精氣皆上注

於目而爲之精精之窠爲眼骨之精爲瞳子  
筋之精爲黑眼血之精爲絡其窠氣之精爲  
白眼肌肉之精則爲約束裏擷筋骨血氣之  
精而與脉并爲系上屬於腦後出於項中故  
邪中於項因逢其身之虛其入深則卽隨眼  
系入於腦則腦轉腦轉則引日系急日系急  
則目眩以轉矣邪中其精其精所中不相比  
也則精散精散則視岐故見兩物目者五臟

六腑之精營衛魂魄之所常營也神氣之所主也故神勞則魂魄散志意亂是故瞳子黑眼法於陰白眼赤脉發於陽故陰陽合傳而爲精明也目者心之使也心者神之舍也故神精亂而不轉卒然見非常之處精神魂魄散不相得故曰惑也夫十二經脉三百六十五絡其血氣皆上走於面而走空竅其精陽氣上散於目而爲精其氣走於耳而爲聽因心事煩冗飲食失節勞役過度致脾胃虛弱

心火大盛則百脉沸騰血脉逆行邪害空竅天明則日月不明矣夫五臟六腑之精氣皆秉受於脾上貫於目脾者諸陰之首也目者血脉之宗也故脾虛則五藏之精氣皆失所司不能歸明於目矣心者君火也主人之神宜靜而安相火化行其令相火者包絡也主百脉皆榮於目既勞役運動勢乃妄行又因邪氣所并而損血脉故諸病生焉凡醫者不理脾胃及養血安神治標不治本是不明正

理也

蘭室秘藏

內障眼論

凡心包絡之脉出於心中以代心君之行事也與少陽為表裏瞳子散大者少陰心之脉挾目系厥陰肝之脉連目系心主火肝主木此木火之勢盛也其味則宜苦宜酸宜涼大忌辛熱物是瀉木火之邪也飲食中常知此理可也瀉辛主散熱則助火故不可食諸

酸主收心氣瀉木火也諸苦瀉火熱則益水也尤忌食冷水大寒之物此則能損胃氣不行則元氣不生元氣不行胃氣下流胃中三焦之火及心火乘於肺上入腦灼髓火主散益瞳子開大火熱之物又助火邪此蓋不可食驗也藥中云茺蔚子一味辛及主益睛睛者是助火也故去之乃知黃芩黃連瀉中焦之火芩能瀉上焦肺中之火以酒洗之乃寒因熱川也又去青箱子為助陽火也加五味

平以收瞳人開大且火之與氣勢不兩立故  
內經曰壯火食氣氣食少火少火生氣壯火  
散氣諸酸之物能助元氣孫真人云五月常  
服五味助五臟氣以補西方肺金法云以酸  
補之以辛瀉之辛瀉氣則明矣或曰藥中有  
當歸其味亦辛而甘其不去者何此辛甘一  
味以其和血之勝藥况有甘味又欲以爲鄉  
導爲諸藥之使甘  
得効方

### 眼科總論

人有雙眸如天之有兩曜乃一身之至寶聚  
五臟之精華其五輪者應五行八廓者象八  
卦凡所患者或因生食五辛多啖炙煇熱食  
麵食飲酒不已房室無節極目遠視數看日  
月頻視星火夜讀細書月下觀書抄寫多年  
彫鏤細作博奕不休久處烟火泣淚過多刺  
頭出血多若此者俱喪明之本復有馳騁田  
獵衝冒塵沙日夜不息者亦傷目之媒又於

少壯之時不自保惜逮至四十以漸昏蒙故善衛養者纔至中年無事常須瞑目勿使他視非有要事勿宜輒開則雖老而視不衰大抵榮衛順則斯疾無由而生榮衛衰則致病多矣且傷風冷則淚出虛煩則昏蒙勞力則皆赤白腫則脾家受毒生瘡則風熱侵肺黃乃酒傷於脾血灌瞳仁及赤色俱是心家有熱羞明見紅花爲肝冷黑花則腎虛青花膽有寒五色花爲腎虛兼熱不可一槩爲治若


虛不補而實不瀉亦難收效然上虛乃肝虛下虛乃腎虛肝虛則頭暈耳聾目眩腎虛則虛壅生花耳作蟬鳴大宜補肝益腎其有熱淚交流兩臉赤痛乃肝之極熱迎風有淚爲腎虛客熱涼肝瀉腎必得其宜至於五臟各以類推虛則生寒實則生熱補瀉之用須在參詳毫釐之差千里之謬餘則無非有所觸動或大病之後所患不一至如暴赤一證多因泛熱衝上或眠食失時飽食近火得之加

以勞役失於調攝過食毒物變成惡證醫者不原本始但知暴赤屬陽或以散血之劑或以涼心之藥縱使退散遂致脾經受寒飲食不進頭目虛浮五臟既虛因成內障亦有見其不進飲食俾更服熱藥遂致三焦暴燥熱氣上攻昏澁眵淚或犯盛怒辛苦重勞遂生弩肉心氣不寧風熱交併變為攀睛證狀不一是為外障又若讀書博奕等過度而致疾者名曰肝勞不可但投以治肝之劑及作他

證治之卒於莫効惟須閉目珍護不極遠視庶乎可瘳若夫患風疹者必多眼暗先攻其風則暗自去婦人胎前產后用藥亦須避忌小兒所患切宜善治惟略加淋洗披鎌針灸端不可施猶須戒其用手頻揉或因茲睛破至於莫救以上諸證專是科者宜留意焉

五輪之圖





白屬肺

黑屬肝

上下脗屬脾胃

大小眥屬心

瞳仁屬腎

氣之精氣輪

筋之精風輪

肉之精肉輪

血之精血輪

骨之精水輪


風輪病因喜怒不常作勞用心晝凝視遠物  
 夜勤讀細書眼力既勞風輪內損其候眥頭  
 尤澁睛內偏疼視物不明胞胬緊急宜去風

血輪病因憂愁思慮悲喜煩勞內動於心外  
 攻於目其候赤筋纏眥白障侵睛胞瞳難開  
 昏暮多澁日久不治失明愈深宜洗心涼血  
 藥

肉輪病因多食熱物好喫五辛遠道奔馳駐  
 睛驟騎食飽耽眠積風痰壅其候胞胬赤腫  
 暴赤昏蒙眼淚常盈倒睫澁痛瘀血侵睛宜  
 踈醒脾藥  
 氣輪病因凌寒冒暑愛飲寒漿肌體虛踈寒

邪入內或痛或昏傳在白睛筋多腫赤視日如隔霧觀物似生煙日久不治變成白膜黑暗難開  
 水輪病因勞役不止嗜慾無厭大驚傷神人怒傷志加之多食酒麵好啖鹹辛因動腎經通於黑水冷淚鎮流於臉上飛蠅相趁於睛前積聚風虛或澁或痒結成翳障多暗多昏宜補腎藥

八廓之圖



天廓 傳道 肺大腸

地廓 水谷 脾胃

火廓 抱陽 心命門

水廓 會陰 腎

風廓 養化 肝

雷廓 關泉 小腸

山廓 清淨 膽

澤廓 津液 膀胱

天廓病因雲中射鴈月下看書多食腥膻侵

冒寒暑致天廓有病內動視物生煙皆疼難  
開不能辨認

地廓病因濕漬頭上冷灌睛眸致令有病眼  
眩緊急瘀血生瘡

火廓病因心神恐怖赤脉侵背血灌瞳仁熱  
淚如傾其證臉頭紅肺睛內偏疼熱淚難開  
水廓病因人勞努力爭鬪擊棒開弓驟騎強  
力致令生病常多暗昏睛眩淚多

風廓病因枕邊窓穴有風不能遮閉坐臥當

之腦中邪風攻於風廓以致黑睛多痒兩臉  
常爛或昏多淚

雷廓病因失枕睡卧酒後行房血脉溢滿精  
宜閉滯風虛內聚上攻故令背頭赤腫臉內  
生瘡倒睫拳毛遮睛努肉

山廓病因撞刺磕損致令肉生兩臉翳閉雙  
睛若不早治永沉昏暗瘀血侵睛

澤廓病因春不宣解冬聚陽毒多喫脂肥過  
殮熱物致令腦脂凝聚血淚攻潮有如霧籠

類聚六十四

百七

復見飛蜂繚繞黑花常滿難於瞻視  
澹寮方

眼目

人有雙眸如天之有兩耀乃一身之至寶聚  
五臟之精華可不保愛之乎且骨之精爲瞳  
子屬腎筋之精爲黑眼屬肝血之精爲絡裏  
屬心氣之精爲白眼屬肺肉之精爲約束屬  
脾契筋骨血肉氣之精與脉并爲系系上屬  
於腦後出於頂中故六淫外傷七情內鬱以

至房室飲食悲泣抄寫雕鏤刺繡不避煙塵  
皆能病目故有五輪八廓及內外障等各各  
不同尤當分別如目向其面爲兌背屬少陽  
近鼻上爲外眥屬太陽下爲內眥屬陽明赤  
脉從上下者太陽病從下上者陽明病從外  
走內者少陽病又睛色赤則病在心白則病  
在肺青則病在肝黑則病在腎黃則病在脾  
黃色不可名者病在胃中此五臟三陽病之  
大槩也知此則可以推而治之

衛生寶鑑

解惑

省郎中張子敬六十七歲病眼目昏暗唇微  
黑色皮膚不澤六脉弦細而無力一日出示  
治眼二方問予可服否予曰此藥皆以黃連  
大苦之藥爲君諸風藥爲使且人年五十膽  
汁減而目始不明內經云上位之主其瀉以  
苦諸風藥亦皆瀉土人年七十脾胃虛而皮  
膚枯重瀉其土使脾胃之氣愈虛而不能營

運營衛之氣滋養元氣胃氣不能上行膈氣  
吐食諸病生焉又已年高衰弱起居皆不同  
此藥不可服只宜慎言語節飲食懲忿窒慾  
此不治之治也子敬以爲然明年春除關西  
路按察使三年致仕還精神清勝脉遂平和  
此不妄服寒藥之效也內經曰誅罰無過是  
謂大惑解之可也

醫方大成

眼目

人之有兩眼猶天之有兩曜視萬物察纖毫何所不至日月有一時之晦者風雲雷雨之所致也眼之失明者四氣七情之爲害也大抵眼目爲五臟之精華一身之至要故五臟分五輪八卦名八廓五輪者肝屬木曰風輪在眼爲烏睛心屬火曰血輪在眼爲二背脾屬土曰肉輪在眼爲上下胞肺屬金曰氣輪在眼爲白睛腎屬水曰水輪在眼爲瞳子至若八廓無位有名膽之腑爲天廓膀胱之腑

爲地廓命門之腑爲水廓小腸之腑爲火廓腎之腑爲風廓脾胃之腑爲雷廓大腸之腑爲山廓三焦之腑爲澤廓此雖爲眼目之本根而又藉血爲之包絡五臟或蘊積風熱或有七情之氣鬱結不散上攻眼目各隨五臟所屬而見或腫而痛羞澁多淚或生障膜昏暗失明其證七十有二治之須究其所因風則驅散之熱則清涼之氣結則調順之切不可輕用針刀點割偶得其愈出乎僥倖儻或

不然為終身之害又且不可過用涼劑恐冰  
 其血脉凝而不流亦成固疾當量人老少氣  
 體虛實用藥又有腎虛者亦能令人眼目無  
 光或生冷翳止當補煖下元溢其腎水北方  
 之人患眼最多皆是日冒風沙夜卧熱炕二  
 氣交蒸使然治之多用涼藥北方稟受與南  
 方不同故也疹豆之後毒氣鬱於心肝二經  
 不能自已發於眼目傷于瞳人者素無治法  
 永類鈴方

雜病眼目

人有兩目如天之有日月五臟六府之精華  
 宗脉之所聚洞視萬化肝之外候者也

屬肝木曰為黑睛筋	風輪	屬心火曰為二眇血
冷則時時下淚羞明	之精	冷則目昏不明氣悶
熱則弩肉侵睛痛		熱則血貫瞳人赤不

之精	血輪
大眇	之精
肝	傳
散	小眇
	傳
	膽

屬脾土曰為上下胞
冷則目不能開閉塞

類聚六書

百十一

五肉輪 在眼

肉之精屬上

昏蒙熱則上下胞腫  
眩爛生翳

屬肺金曰為白睛氣冷則目昏多淚睛無  
氣輪之精 光潤熱則睛疼赤腫

刺痛

屬腎水曰為瞳子腎冷則童人不能遠視  
水輪之精 羞明生黑花熱則睛

疼腫痛

冷則睛

冷則倒

無位

膽為清淨廓視物不勝眈為津液  
亦名天廓

浮臉澁

睫拳毛

障睛生翳

目多昏  
暗熱則血貫童人

八小腸為關泉

廓火

腎為會陰廓

風廓

廓脾胃水谷廓

電廓

命門為抱陽

廓水廓



有名大腸為傳導

熱眩赤爛生瘡

三焦為養化

廓山廓

或多赤廓澤

脉冷則

多昏沉

眼科七十二證石人坪曾氏以眼疾皆始於風熱

小紫赤脉暴赤生翳風兼熱局方明目流

清肺

洗

氣飲洗心散

浮翳內障

痛如針刺曾氏川芎散羚羊

洗肝散菊花散

針

宜針

角散透明元

清肺湯

赤膜下垂旋螺突起

决明散柴胡散

針

針

四順散

天行赤眼

血灌童人

實熱局方洗肝散

宜

針

蜜蒙花撥雲散

蟬花散

驚振內障	被物打撞	曾氏羚羊角散 透 明元 清肺湯 柴胡散 四順飲
撞刺生翳	突起睛高	虛冷內障局方明目 地黃元 濟生補 腎元
風弩肉侵睛	蟹睛疼痛	曾氏白附子散 天 麻元 磁石元 四物五子元
熱		

臉生風粟	雞冠覓肉	氣結不可針割 疎風 理氣少用涼藥 曾 氏五烏元
眯目飛塵暴風	客熱簡易	駐景元 曾氏 天麻元 椒紅元 香附北艾加減
混睛外障	肝藏積熱	腎虛半補下元 溢其 腎水行升降之法
神崇疼痛	小兒疳眼	局方菊睛元 地黃

辨

百

搗

點

元腎風四生散

本事川芎元

逆順生翳  
順上垂下  
生上下

濟生補神元

駐景元

千金神

小兒痘瘡翳障  
柴胡散點

曾氏杞苓元  
地黃

元磁石元

磁

朱元川  
三仁五子

逆順生翳 順上垂下 生上下	小兒痘瘡翳障 柴胡散點
濟生補神元	曾氏杞苓元 地黃
駐景元	元磁石元
千金神	磁
元	朱元川 三仁五子

胎風赤爛

婦人血風局方流氣

洗點

飲 曾氏五烏元

乳香元

虛 黑風內障 坐起生花 小兒豆眼解毒為元

散白附

散白附

兼 綠風內障 衝風淚出 曾氏柴胡散 黃芩

散白附

散 地黃散

風 因他病生 肝虛雀目 初發用乾烟脂蜜水

翳點

調塗眼眶又黃栢

類聚

五

類聚六十四  
卷五

熱 十 六 證

倒睫拳毛烏風內障 <small>夾點</small>	三錢重
漏睛膿出 <small>洗</small>	黃翳上衝 <small>點</small>
圓翳內障 <small>洗</small>	痒澁難任 <small>洗</small>
菘豆四錢重甘草一 錢紅花半兩仲為 木油調塗眼	曾氏點眼方金絲膏 朱砂煎 姜連散 治暴赤
洗眼方秦皮散 金散 搗川雄黃	青

傷寒後眼膜入水輪貼眼方 <small>昏</small>	鬱金散
肝虛目暗小兒青盲 <small>內障</small>	針法絲竹空 <small>三稜骨</small>
攢竹 承泣 睛明	承泣

醫林方

眼目論

夫人之眼目者象天地有日月也若人無雙

目豈能分別明晦天無日月安能照耀乾坤  
是以眼通五臟氣貫五輪內應肝外屬於目  
肝藏虛而風邪鬱風邪鬱而熱蘊衝火氣炎  
上行衡於目輕則昏澁疼痛赤絲皆發重則  
翳膜侵遮光明不覩治則但分內外勿令差  
互養生之家慎之慎之

施圓端効方

眼目

眼目者五臟六腑之精華四體百骸之戶牖

氣血和冲經絡流通九竅皆利二目昭明陰  
陽偏勝毫絲而五臟分爭昇降不前六腑而  
外壅九竅人目失明如天喪曜斯以清身爲  
治淨慮爲功調其肝木方玄緩以法要其中  
動爲障昧淨則明生

玉機微義

眼目

論目爲血脉之宗

內經曰諸脉者皆屬於目云云不明正理也

詳見東垣  
試効方

按此論目爲腑臟血脉精氣之宗至爲詳悉豈但世俗拘之於五輪八廓而已也

論目昏赤腫翳膜皆屬於熱

源病式曰目昧不明目赤腫痛翳膜皆瘍皆爲熱也及目膜俗謂之眼黑亦爲熱也或平日目無所見者熱氣鬱之甚也或言目昧爲肝腎虛冷者誤也是以妄謂肝生于目腎主瞳子故妄言目昧爲虛而冷也然腎水冬陰也虛則當熱肝木春陽也虛則當冷腎陰肝

陽豈能同虛而爲冷者歟或通言肝腎之中陰實陽虛而無由目昧也俗妄謂肝腎之氣衰少而不能至于目也不知經言熱甚目瞑眼黑也豈由寒乎又如仲景言傷寒病熱極則不識人乃自盲也正理論曰由熱甚怫鬱於目而致之然也若目無所見耳無所聞悉由熱氣怫鬱玄府閉密而致氣液血脉榮衛精神不能升降出入故也各隨鬱結微甚而有病之輕重也故知熱鬱於目無所見也故

目微昏者至近則轉難辨物由目之玄府閉  
小也隔縑視物之象也或視如蠅翼者玄府  
有所開合者也或目昏而見黑花者由熱氣  
甚而發乏於目亢則害承乃制而反出其泣  
氣液昧之以其至近故雖微而亦見如黑花  
也及衝風泣而目暗者由熱甚而水化制之  
也故經言厥則目無所見夫人厥則陽氣并  
于上陰氣并于下陽并于上則火獨先也陰  
氣并于下則足陰足陰則脹也夫一水不勝

五火故目眇而盲是以衝風泣下而不止夫  
風之中於目也陽氣內守於睛是火氣燔目  
故見風泣下

按此論熱甚佛鬱陰陽并厥玄府閉密致  
目病之由爲詳蓋一主於火熱之化也若  
由飲食辛熱七情所動六氣淫鬱氣血虛  
實則東垣子和陳無擇輩論亦已詳然亦  
有痰熱濕熱與夫服食金石燥熱之藥致  
者或久病後榮衛虛弱肝氣腎陰不足或

元氣精氣虛衰及脫營爲病皆有虛熱實熱之殊並宜分治

論眼證分表裏治

機要曰在腑則爲表常除風散熱在臟則爲裏宜養血安神暴發者爲表而易治久病者在裏而難愈

論目疾宜出血最急

子和曰聖人雖言目得血而能視云云量其病勢以平爲期

詳見儒門事親

按此謂目疾出血最急於初起熱痛暴發或久病鬱甚非三稜針宣泄不可然年高之人及久病虛損并氣鬱者宜從毫針補瀉之則可故知子和亦大略言尔於少陽一經不宜出血無使太過不及以血養目而已斯意可見

論內障外障

竈木論曰眼疾有七十二般內障二十三候外障四十九候病狀一一不同據其疾狀認



識既不差錯治療必有所憑

謹按諸候詳見本論然內障爲黑水神光昏翳外障則有翳膜者是今論中雖具者候而所用藥多本風熱故並略去然內障有因於痰熱氣鬱血熱陽陷陰虛脫營所致種種病因皆略之不議况外障之翳有起於內皆外皆睛上睛下睛中常視其翳色從何絡而來如東垣治例魏邦彥夫人目翳從下而上病自陽明來也緣非五色

之正位肺腎合而爲病也乃就畫家以墨調膩粉合成色諦視之與翳色同矣肺腎爲病者無疑乃瀉肺腎之邪而以入陽明之藥爲之使旣效而他日復病作者三其所從來之經與翳色各異因詢此必經絡不調目病未已問之果然如所論治之疾遂不作若此憑其色究其所兼所本之因處治而不愈者蓋邪蘊日久而實元氣陰氣不足所致也當以王道論治庶可但世

俗不能守此理遂致失明者多矣悲夫

論瞳子散大

東垣曰瞳子散大者由食辛熱之物太甚故也云云以收耗散之氣則愈矣詳見本方

論倒睫赤爛

東垣曰夫眼生倒睫拳毛者云云以瀉濕熱而愈詳見本方

按已上所論可謂深達病情然是證亦多是血熱陰虛火動所致蓋血所以滋經脉

養毛髮者也故當外治以瀉其瘀熱內治以杜絕其源可也

論目不能遠視為陰氣不足

東垣曰能遠視不能近視者云云如巨川之水不可竭詳見本方

謹按陽氣者猶日火也陰氣者金水也先儒所謂金水內明而外暗目火內暗而外明者也然人目眼備腑臟五行精華相資而神明故能視即此理之常也雖經曰目

得血而能視殊不言氣者蓋血得氣爲水  
火之交而能神明之也否則陰虛不能視  
遠陽乏不能視近是爲老人桑榆之漸然  
學者於自病能求諸此則思過半矣

論目疾分三因

陳無擇云病者喜怒不節云云皆不內外因  
治之詳見三因方

按論中所言致證之因至爲詳悉惜乎其  
方多本於風熱及水臟陽虛處治而未備

學者當自爲通變矣

論偷針眼

巢氏曰凡眼內眦頭忽結成胞三五日間便  
生濃汁世呼爲偷針此由熱氣客在眦間熱  
搏於津液所成但其勢輕者小小結聚汁潰  
熱歇乃瘥


謹按世傳眼眦初生小胞視其眦上卽有  
細紅點如瘡以針刺破眼時卽瘥故名偷  
針實解太陽經之結熱也人每試之有驗

然巢氏但其所因而更不分經絡其諸名實所過者多矣

壽域神方

眼部

五行所屬



水輪

在內屬腎外應瞳人名為水輪本經虛損疾見於眼其睛則昏暗久則失視空心宜溫藥補之食後用涼藥清之青藍山藥之類與之妙羞明見青色者腎家虛

風輪

在內屬肝外應烏睛名為風輪肺內相尅乃生翳膜用大黃黃連與之如黑暗黃色因酒傷氣赤黃色者肝家久受風熱之故

肉輪

在內屬脾外應兩臉上下兩胞名爲肉輪脾經受熱見疾則腫用梔子淡竹葉沙糖與之如眼胞赤腫肝脾有熱兩臉風粟澁痒者熱生風也

氣輪

在內屬肺外應白睛兩臉名爲氣輪乃肺經受熱克於肝經漸成翳膜用桑白皮之屬及白仁生瘡風涎壅盛白仁腫因食毒熱之物

故也

血輪

在內屬心外應兩眦名爲血輪五臟壅熱則患疾見於兩眦頭赤澁者是用梔子仁大黃連翹燈心苦竹葉等治之血灌瞳人腎臟虛熱若白仁黃色熱酒傷於脾也 氣順則光明風冷則淚出虛煩則昏暗勞役則赤色

醫方類聚卷之六十四